



6

21-a

24



6

28,1

20

Ex Bibliotheca
majori Coll. Rom.
Societ. Jesu

6-21-a-24

20-9-31

20-2-70

TROPHÆA PARALLELA

sive

VETERVM BOICÆ GENTIS

HEROVM, QUI ANTE CHRISTVM
natum claruerunt, illustria facta

COMPARATA CVM TRIUMPHIS

SERENISS: PRINCIPIS

MAXIMILIANI

COM: PALAT: RHENI, V. BOIAR:

DVCIS, &c. S. R. IMP: ARCHIDAPIFERI,
ET ELECTORIS;

Eidemq, cum

SACRI ROMANI IMPERII SEPTEMVIR

Collegij Rom. Soc. à Serv. cat. Inscr.

FERDINANDO II.

IMPERATORE AVG: P. F. P. P.

solenniter inauguratus esset,

H.

oblata *S.*

à Collegio Soc. IESV Monacensi.

MONACHII, Formis Nicolai Henrici, 1623. +



STERN

1900

1900

1900

1900

1900

1900

1900

1900




SERENISSIMO,

AC

POTENTISSIMO

PRINCIPI,

D. D.



MAXIMILIANO,

Comiti Palatino Rheni, Vtriusq;

Bauariæ Duci,

S. Romani Imperij Archidapifero, ac

ELECTORI,

VICTORI, TRIUMPHATORI,

Patri Patriæ,

Domino suo Clementissimo,

Collegium Societatis I E S V Monacense

Æternitatem.



Ebebantur iam olim felicissimo tricennio,
perpetuis Ser.^{tis} V.^{re} Victorijs, & tot
bonæ causæ triumphis nobilitato, sua
trieterica; ad quæ celebranda passim fe-

A 2

riatæ

riatæ litteræ propè conuicijs excitabantur; nam qui videbant iam diu vnicum hoc esse Famæ negotium, Seren.^{us} V.^{us} præconium per vtrumq; Orbem facere; neq; ex Romano Imperio omni, rebus à Seren.^{to} V.^o gestis gloriosius quidquam in ora hominum mitti, & veluti datâ loquendi lege, aliûm sermonem rarò, plausum nunquam audiri, præterquam MAXIMILIANVM Principem ad Cælum efferentium, eiq; priuatas fortunas, & felicitatem publicam transcribentium, vt Auctori, aut commendantium sua vota, & repositas spes, tanquam certissime tutelæ, & communi Patrono; commoueantur sanè grauiter, Musas Boicas tot domestica decora silentio transmittere; cùm inter has canendi illecebras, & tam benigna irritamenta, obmutescere difficilius crederetur, quàm loqui, illis præsertim, quibus sola eruditæ vocis gloria, quasi dote, relicta est, & nulla nisi ex facundo ore commendatio. Neque hîc sua illas verecundia tuebatur, quâ nullum honestius indifertis pallium prætexitur; neque ipsa adeò libera vox, profitentium, absterri se magnitudine operis; linguâ ingentibus factis non suppetere, alio ore canendis; iustissimas laudes culpâ ingenij deteri, vbi tenues grandia conantur; cùm maximos omni æuo viros nemo suo ipsorum pede, sed scribentis modulo metiatur; vt tantus hodie quisque sit, quantum chartæ, non semper

fide-

fidelissimę ostendunt: eoq; ridendum maximi Regis
 iudicium fuisse; pro vultu adeo solliciti, vt fingi, pingiq;
 non nisi felicissimis manibus vellet, imaginem tantę
 animi denormandam, deformandamque Chætilo cō-
 mitteret, qui carmine fædo splendida facta oblinens,
 Alexandro suum etiā nomen detraheret: Cū ergo
 neque hoc verissimum silentij patrociniū admittere-
 rūt, defendendę alienā modestiā fuerunt, quę suā non
 potuere; nimirum Ser.^{is} V.^a imperio coërcite, neque
 officio suo, neque priuato affectui, neque votis publicis
 satisfecerunt: Prouolauerant iam tum in Ser.^{is} V.^a oc-
 cursū, cū maximis rebus breuissimo tempore ge-
 stis, pacatā iussu Cæsaris Austriā, Bohemiā propē prius
 victā, quā visā, in patriam rediret; quo aduentantem
 cū triumphali accipere curru gestirent, iamque ijs
 architectantibus pleni verissimis encomijs surgerent
 arcus, obelisci, pyramides; quęque aliā cohonestandę
 virtuti, optima eiudem æstimatrix, neque ostentatrix
 minor Romæ inuenit, & victoribus suis dicauit; Ser.^{is}
 V.^a rarissimo exemplo, & cui victorias ipsas vix ausim
 æquare, suis ornamentis, & triumpho ipsa intercessit,
 Musiq; cum omni apparatu, conatuq; suo ad pristinū
 otium compactis; monumentum Victoriarum tum
 quidem aliud extare non voluit, quā quod in omni-
 um animis æternum, nulloque vincendum æuo, suis

ipsa manibus, Seren^{us} V^{er} in ædificauerat; eius consilij, factique rationes neque nunc quidem omnes prodita; nisi quod etiam illi, quibus præter admirationem in mentem nihil venit, in Ser^{en} V^{er} iudicio, quod pœne vicem oraculi est, sponte animi acquiescunt: Illud constat, de gloriâ nihil vsque adeò esse diminutum, vt non modica ad eandem facta sit accessio; quod in simili re Cato sibi promiserat; *Plutarch. in apoph. Roman.* qui nec marmoreus, nec æreus superesse funeri suo voluit, maiori sibi apud posteros laudi fore ratus, si ab iisdem olim inquireretur, cur Catoni statua erecta non esset; quam si in omnibus triuijs etiam aureus prostitisset. Quid? quod & pudori nostro consultum est, quos in ipso magni operis conatu cum maximè sudantes, & manus & ingenium defecisset; iustissimâ desperatione ortâ, vltimam heroici animi lineam, in quacunque nos tabulâ expressuros, quæ fortissimi, felicissimique Principis igneum vigorem aliquâ æmularetur; scimus Iphicratem, cum statuam sibi ab Atheniensibus positam inspexisset, subridentem illorum erga se studium collaudasse quidem, negasse tamen illos saxo dedolato, & pauculis in eodem exaratis litteris, magnum gloriæ suæ momentum adiecisse; damnare se omnium statuariorum manus, scalpra, cœlû; nam sese cruento gladio columnam sibi met in Peloponneso statuisse; quæ ad sidera vsque

excrefcens ftatuæ Dominum cælo infereret: *Muret. l. 8.*
Var. Lett. vt proinde neq; nos cum Seren^{is} V^{re} virtute paria
 facturi fuerimus, fi anguftius aliquid fuperioris Au-
 ftriæ folo, vel incinctis Boiohemi faltibus, aut certè
 fatali illo colle, vbi de fumma rerum decertatum eſt,
 pyramidis noſtræ area occupâſſet. Præuidebat etiam
 præſagus futuri Seren^{is} V^{re} animus, quanquam impie-
 tati tantum ſanguinis eſſet miſſum, neque ſic quidem
 infaniam exemptam; Hydram illam ab ipſo ferro furo-
 rem ſumpturam, & rediuiuâ rabie ſponte in clauam
 incurſuram, credo, vt hoc olim tumulo inſcriberet, li-
 cuiſſe ſibi vnâ, & ſimplici morte defungi, mille ma-
 luiſſe; ſtabant alibi hoſtium manibus excitata propu-
 gnacula, improbo nomine, & vaniſſimæ ambitionis ti-
 tulo, Cæſaris, & Seren^{is} V^{re} gladios prouocantia, duo
 maxime illi ad Haidelbergenſe promontorium, ſi ſupe-
 ris placet, adſiti Cæſaris & Boio Maſtiges, quibus tamē
 haud paulo minùs, quàm Vlyſſes nido ſuo ad Ithacæ
 ſcopulos affixo ſeſe troſſuli illi iactitabant; & vt planè
 Reges ſcires, ex illo altero impudentiæ aſylo, quod con-
 tra Cæſarem muniuerant, viſendâ magnitudine Co-
 ronam regiam, ſed ligneam ſuspendere; quid niſi ludi-
 brium fortunę futuram? quando mox cum turri ipſa
 tormentorum pilis diſſecta, documento fuit, contra
 Seren^{is} V^{re} fulmina nec auream, nec lauream coronam
 quid-

quidquam posse. Differebatur ergo Musarum gratulatio eo usque, donec totū virtutis, & Fortunæ cursum Ser^{tas} V^a peregisset, quasi tunc demum statui signa victoriæ possent, cum hostilia omnia iacerent, etiam illa, quæ vani illi augures ominabantur æterna: Sanè, nisi fatigatā naturā, cūrules machinæ non rotis, sed pinis leuarentur, nunquam futurū esse credebant, ut quati posset illud insolentiæ propugnaculum, Boicæ virtuti irritandæ, an irridendæ? alto monte situm; sed breui miles Tuus, & totus tonantis ferri apparatus supra caput fuit, ut neque inexpugnabilis locus, nec suis illos iocustueretur; statque hodie, quantumuis luxatum, iugulatæ dicacitatis monumentum, & mira vicissitudine *Vae vicissis* ingeminat. Nimirum, quod Carano Macedonum Regi contigisse narrant, cuius trophæa intempestiuè in mortaliū, immortaliumque odium erecta, erūpens ex Olympo monte Leo disiecit, *Pausan. in Boeot.* id repperitum in hos gloriosos milites exemplum videri tunc potest, quando Boicus Leo, suas & ipse Olympo vires trahens, in omnia ferocientis superbiæ munimenta, felici impetu, grassatus, neque vllam virtuti inuiam viam monstrauit, neque vllum perfidiæ asylum tutò posse collocari. Iam quali apparatu, quanto militum robore, quā machinarum copia, quā præceptā victoriæ spe in aciem Turlacensis Marchio descendit!

magna

magna omnia spirans, & Bauariæ tam certus, vt locum spolijs diuidendis animo ab eo iam captum fuiffè, feratur; quasi id solum dubitâffet, an in monte Albano, an potius in Capitolio triumpharet. Sed quid? Iul. Cæsar ingenio, sed non fortunâ vsus, Venit, Vidit, Victus, & castris exutus est; adeò vix Tillij immortalis Herois Ser^{tis} V^{re} auspicijs pugnantis conspectum tulit, qui humanis viribus se debellandum non credebat; neque fortasse animo ea in re falsus, nam in Ser^{tis} V^{re} castris Deum reperit, sensítque, quem ille inter hostes suos non numerauerat; meruerat tamen. Halberstadius verò, quàm feliciter à Tuis interceptus, fusus, fugatusque est? pedum beneficio tunc elapsus, vt paulò post victam manum alteram porrigeret, alteram abijceret etiam, ferreâ deinceps pugnaturus, credo, vt nostri sæculi Sergius diceretur. De Manhemio quid dicam? cuius famæ vnicum illud fortasse obest, quòd tam citò Ser^{tis} V^{re} fortunæ succubuit; nam manus dedit, neque ferro, neque igni vexatum, nisi quem illi subdidere, qui compescere etiam aliunde iniectum debuissent, nenobilissimo castro vllum stigma inureretur; iniquitatem fati sui accusantibus peritissimis aduersæ partis Ducibus, eijci se fortissima vrbe, quæ contra vim omnem etiam ignauos tueri posset, nisi Boius hostis obligisset, cui vni nihil satis munitum obijce-

B

retur;

retur; nam cæteroqui post Manhemium nulli vrbium pudori esse posse, vinci: tot ergo ipsorum confessione hostium inuicta propugnacula cum Ser^{is} V^æ auspicijs robori militi cecidissent, quis non crederet, occursum aliquando placitum marmor, cui tot victoriæ inscriberentur, cum hostes à triumphis, quos nullos egerant, & à Cæsare, Boiisque proculcatis, ventosa turribus suis vocabula, miseri Nomenclatores inderent. Athenienses, post nobilem in Marathone pugnam, cum illud ipsum Parium marmor reperissent quod Persæ certam victoriam animo præcipientes, eo detulerant, trophæo erigendo destinatum, delectati ludo fortunæ, Vindicem ex eo ipso lapide Deam, Nemefin illis appellatam, Phidiæ manu factam erexere, victoriæ modestissimum symbolum, relatâ facti ad ultores Deos gloriâ; *Pausan. in attic. l. i.* quâ re quò propius ad pietatem accessere, eò clarius Ser^{is} V^æ in abdicandis triumphalibus ornamentis consilium aperiunt, in cuius ore & pectore frequens illa optimi Regis vox est, canere soliti: *Non nobis Domine, non nobis, sed nomini tuo da gloriam.* Nam quod Titus Cæsar non ex ingenij aut superstitionum, quas sectabatur, modestiâ, sed Numinis impulsu confessus est, in nobilissimæ vrbis excidio, se Deo solam manum commodasse, illum pugnassee, illum vicisse: id ipsum quanto sinceriore affectu,

ctu, quanto veriore animi orisque consensu V^a. Serenitas protestari hodiè que solet, hac vnâ aureâ vòce gratulantium interpellare præconia solita, quasi in Deum iniurij essent, qui vllum lauri folium, dignissimo Ser^{is}. V^{re} capiti imponendum, de triumpho Numini debito præcerperent. Maçtè hac virtute, Serenissime Princeps! quâ prisca Constantini exempla renouari, pij omnes, non sine gestientis animi lætitia, sentiunt, ad cuius æmulationem assurgere omnibus victorijs est gloriosius; cui, cum post victum Maxentium æterna vrbs *Liberatori suo, & Fundatori quietis* testatura beneficij memoriam, triumphalem arcum erexisset, quod *instinctu diuinitatis, mentum magnitudine, cum exercitu suo, tam de Tyranno, quàm de omni eius factione, vno tempore, iussis rempublicam vltis esset armis*: quanquam diuinitatis nomen alienus etiãnum à Deo Senatus in arcu inscripisset, ne tamen aliorum aliquando vox ea raperetur Christo abiudicata, nobile ipse & *Cruce* insignitum trophæum vero Deo, vrbe mediâ statuit, hoc epigrammate adiecto. *Enseb. in V. Constant.*

Hoc salutari signo, vero fortitudinis indicio, Ciuitatem vestram Tyrannidis iugo liberari, & S. P. Q. R. in libertatem vindicans, pristina amplitudini, & splendori restitui.

Quod, vt inter trophæa Christiana primum fuit, etiam erudiendæ Posteritati, Regibûsque monendis fixum, quibus signis, quibus armis fidendum potissi-

mum sit, ita post tot secula impietatis assecclas in rubo-
 rem (siquidem erubescere impietas posset) conijcit,
 qui, cum Christi disciplinam inani ostentatione iacti-
 tent, quanti illum faciant magnis documentis testan-
 tur, quando ijs Crucem aspicere, quâ Constantini pius
 animus adeò gloriabatur, mala maxima Crux est; &
 cum Imp: ille hunc pulcherrimum victoriarum fru-
 ctum crederet, si Crucis trophæum erexisset, hi victo-
 rias quærunt, vt toto illud Orbe proscribant; quod,
 cum Pragæ ausu nefario iam perfecissent, certè Con-
 stantinus reuocandus fuit, qui Dei iniurias ultumiret,
 & in hoc ipso signo vinceret, cui noui isti Titanes ma-
 nus erant admoliti; & me quidem huius nominis in
 Ser^{tem} V^{ram} collati nunquam pœnitebit, quando vtrinq;
 eadem pugne causa, eadêmque victoriæ facies fuit; v-
 trique contra iniustos arma sumpta Dominos, Romam
 Ille Falso Romulo (sic Maxentium vetus Orator appel-
 lauit) Ser^{tas} V^{ra} Pragam Fictio Regulo creptum ibat, &
 vt etiam complementa Victoriæ conspirarent, vtrinq;
 elementa meliorem causam iuuerunt; quod enim illic
 Tiberis fecit, in partem laboris adscitus, vt aliquod cę-
 dis compendium fessis dexteris eueniret, maxima exer-
 citus parte haustâ; hoc Ser^{ti} V^{ra} Moldaua præstitit,
 quem ego quidem Ennodij verbis, *Fluuiorum splendidiissi-
 mum* appellare possum, vt qui Boiohemi *sordes diluerit &
 effusam*

effusam ex suppurante Caluini stigmatē, fecem suscepit. sibi ne dispendio puritatis. At enim quando Ser^{as} V^{ra} pietate animi & felicibus armis ad consortionem laudum Magni Constantini penetrauit, & quæ votorum summa fuit, trophæum Crucis alibi quidem impiâ manu conuulsum, & proximum ruinæ stabiliuit, alibi prolapsum, conculcatumque vindicauit, & pristino loco decorique restituit, liceat tandem Musis aliquâ Romani Senatûs erga Constantinum humanitatem æmulari, vt quemadmodum ille triumphalem suo liberatori fornicem molitus, optimorum, quos ante illum vnamquam habuit, Imperatorum, Marci Aurelij & Antonini Pij vetusta monimenta in Constantini arcum transumpsit, quod sciret ipsum Antoninorû nomen adeò venerari, vt Marcum & Pium inter Constantios Claudiosque, velut Maiores suos, aureos formauerit, adoptans veterum virtutes suis moribus congruentes; *Lamprid. in Heliogabalo.* ita Musis nostris fas sit antiquissima maiorum Tuorum decora, & primorum Boicæ gentis heroum facinora, quæ pauca de multis extra metum inuidiæ suum æuum, tam longo supra mille annos spatio porrectum collocat, in lucem & theatrum producere, vt quod etiam liuor ab ijs rectè factum, atque ordine iudicat, cum id ipsum tantis à Seten^{te} V^{ro} apertum viderit incrementis, etsi malignitate ingenij lau-

dare non potest, detrectare tamen erubescat; quódque summum Satyricus tormentum putauit, Virtutem videat, intabescátque relictá; quanquam quis iste furor? (verba sunt quæ Seneca Socrate digna putauit) quæ ista inimica Dijs hominibúsq; natura est? infamare virtutes, & malignis sermonibus sancta violare? Si potestis, bonos laudate; sin minùs, transite; quód si exercere vobis tetram istam licentiam placet, alter in alterum incurfate; nam cùm in cælum insanitis, non dico sacrilegium facitis, sed operam perditis. At enim his belluis, quæ famam ex sanguinario dente sibi quarunt, quem virtuti, vnici aurei sæculi reliquijs, infingunt, bonam mentem precari faciliùs est, quàm dare. Nos, Serenissime Princeps, qui optatissimo tempore fruimur, quo virtuti Tuæ non ex sola conscientia merces datur, quando *Magnus Caesar* pro se, & republica, iam diu opum, & ipsius adeò sanguinis prodigum Septemuirali Purpurâ insigniuit, & Pomum aureum Romani Imperij symbolum in illa dextera collocauit, quæ illi non vnus arietis impetu quassato, & ruinam minantí pro Atlante fuit; inter illos esse volumus, qui optimû, pulcherrimûque factum publico plausu prosequuntur. Et quando hic honos ad Gentem Boicam vniuersam pertinet, etiam illam, quæ nos fatorum lege, ad plures pridem antecessit, euocare ad triumphi spectaculum

culum antiquissimum quemque Maiorum Tuorum, æquum duximus: quandoquidem ex thesauro Memoriarum, quæ Musarum mater putatur, ornatius digniusque Musæ depromere nihil potuere: Testatum etiam hac opellâ orbis facient, id, quod de Æacidis Pyrrhus olim iactare solitus est, Boios semper Viros fuisse; id est, inter magnarum cogitationes & studia virtutum, fecisse etiam nostro æuo miranda, quo rectè facta rectius quidem intelliguntur, sed sæpe intra disputationes herent, & frequentius audiuntur, quàm videantur, non suo vitio; publicum enim non horrent, & nolunt inter miracula censeri, quæ solâ raritate commendantur. Satisfiet itidem Ser.^{tis} V.^{ra} modestiæ, quæ cùm pulchriores in virtutis theatro Actoris partes, quàm Auditoris putet, cùm heroicis spectaculis alienos oculos dudum occupârit, aures soli conscientię permittit, quæ etiam cùm laudat, ex scholâ Rhetorum, nihil habet fuci, suo virtutem colore expressura. Pescennium tamen Imp.^{cm} Ser.^{tas} V.^{ra} imitabitur, qui quanquam laudationem viutorum, irrisiōem vocauit, & Panegyricum sibi recitaturō silentium imposuit, ad laudes Marij tamen, vel Hannibalis, vel alterius Ducis vitâ functi decantandas ultro prouocauit. Ita cùm nos proprijs, id est, Boijs abundemus, saltem ab vltimis repetita sæculis dici patiēre, etsi ne sic quidem canere potuimus, quin vbique plurima

plurima Seren^{us} V^{ir} resultaret imago; neque enim virtus cum ætate vultum mutat, nihilque bonis viris inter se similis est; Nam vt ora discrepent, eadem sunt animorum lineamenta.

Porro inde initium capiemus vbi Seren^{us} V^{ir} virtus, & fortuna potissimum inclaruit: *Sigonesum* Boium ex ipso Boiohemo producturi, quando non sine diuinæ mentis consilio factum credimus, vt quod de Boiorum gente primum in litteras missum est, Boiohemum spectet: Nam quæ prima è Gallia Celtica duce Sigoueso Ambigati Regis sororis Filio Boiorumeducta colonia est, suam in incinctis perpetuâ arborum Coronâ siluæ Herciniæ saltib. sedem locauit, qui ab incolarum nomine Boiohemi appellationem sortiti, eam quantumuis mutatis deinceps sæpius cultoribus in hæc vsq; tempora seruârunt; qua in re quis temere cecidisse existimet? quod à prima illa Boiorum in Boiohemum immigratione, vsque ad immortalem Ser^{us} V^{ir} in eod: regno victoriam Pragensem totidem anni fluxêre, quot in auspiciatissimo Ser^{us} V^{ir} nomine litteræ continentur, quibus numeros signari vsus obtinuit.

MaXIMILIANVS BOIARUM ELCTOR.

Qui collecti in ordinem annos constituunt
M. M. C. C. XX. Nam Marcus Vellserus accuratissimus

muscriptor à Tarquinij Prisci auctore, quo illa à Boijs suscepta expeditio est, annos ad Christum DC. numerat, quibus si Christianos adijcias, confluunt totidem, quot è nomine Ser.^{tis} V.^æ eduximus, ne vno minùs: Vt res ipsa Poëtam coëgerit primum Sigouesi *Trophæum boni ominis* inscribere, cuius statuæ si indicinæ faciendæ causâ hanc epigraphen adijcias.

IMAGO SIGOVESI ILLVSTRIS BOLOHEMI PRINCIPIS.

Respondentem priori numerum elicies, quid nisi ex compacto concordantibus vtriusque Principis faustissimis Nominibus?

TROPHÆVM BONI OMINIS.

ALBE LEO, regni decus, & tutela Bohemi,
 Cur meliore iuba, positus mansuetior iris,
 Vngue nihil, nihil ore minans, dupliciq; flagello
 Blandior, ad FVLVI tam promptus iussa LEONIS,
 Laruati harentem male Regis fronte coronam,
 Ad veteres Dominos, mutata mente remittis?
 Olim Aquila fulmen solitus difflare, rebellis
 Regina volucris, simul ac irrugijt aruis
 Hercules LEO de BOICIS, & vertice moto
 Irarum armatis dedit ignea signa lacertis,
 Tu facilis Dominis pedibus substernere collum,
 Atque exarmatos vaginâ mitior vngues
 Claudere, & exili fremitum mutare susurro,

C

Multa

Multa, cicur, placida mentis documenta dedisti;
 Non est de nihilo tam pulchra modestia; cogit
 Vis tacita ad Boici aspectum trepidare Leonis.
 Hoc nuper Dryades Diuas, Dryadūmq; sorores
 Herciniꝝ saltus (qui sparsim plana, ingisq;
 Aspera complexus, nemorosa fronde Boemos
 Circum circa agros, atque extrema rura coronat)
 Cultrices, viridis siluestria Numina regni,
 Cum Boicus domitis erraret Victor in aruis,
 Intima rimatas fatorum arcana coquebat.
 Illis Panteodon, veterem, si stemma requiras
 Pana professus Auum, cui tunc in rustica Tempe
 Regnum sorte datum molli praeinctus oliua
 Fatidicam vibrans Laurum solioque reclinis
 Frondoso (memini) tumulo sic fatus ab alto;
 Et BOIO quisquam dubites parere LEONI
 Saltibus in nostris? tam dura bellua fronte
 Erret in Hercinijs huic pugnatura viretis?
 Cuius ut indomitos spernat male sana lacertos,
 At certe aternas fatorum infringere leges,
 Stultitia est: Fatis addicta Bohemia Boio est.
 Nam quas aspicitis sedes, excultiq; lentis
 Iugera vomeribus, sunt prisca iugera Boiꝝ.
 Hac incincta suis, & plusquam horrentia filuis
 Manala, non ullā vel vi penetranda, vel arte,
 Celticus insignis dextrā Sigouesus, & armis,
 Ductor Boiugenū primus tentauit, & omnem
 Perfregit seu stirpe alta, seu monte minantem
 Scabriciem: porroque audax vestigia firmans
 Fortia, lata etiam, & denso prius abdita valla
 Aggeris arborei, passim victore retexit

Atua

Arua gradu, campōsq;, urbēsq;, domūsq;, penatēsq;
 Aduerso pugnas nequiequam fuisse cientes
 Barbaricas, socio fortis Mauorte subegit.
 Hinc culta Boijs sedes, qui frugibus auctum
 Triptolemi totum Boico cognomine campum
 Dignati, patria affectum, titulūmq; dederunt.
 Quas ego tunc memini felici sidere frondes
 Hercinijs passim vernare in montibus! ipsa
 Pæne mihi quercus, quin & tristes paliuri
 Mella dabant, siculā longē sacundius Hyblā;
 Aurea tunc atas: donec labentibus annis,
 Fontibus in nostris tetrū Picardē venenum
 Spargere, graminēūmq; nociuā tæbe virorem
 Eneruare Anser, fædi dux agminis Hūse,
 Capistis; tunc vix corylos, humilēsq; myricas
 Florenti vidi fruticare per æra caule.
 Cū Boica de gente nihil, nisi nomen inane
 Viueret, & mutilum; sed & hoc vix noscere ciues
 Indolui, Boiōsq; meos, veterēmq; Colonom
 Quasiui gemitu; qui si mea regna subisset
 Sperabam effetas rursū efflorescere siluas.
 Audiſt, æternis magnum qui dirigit orbem
 Auspicij, PATER; & iustas moderare querelas
 Panteidon, dixit, Boios hac arua videbunt,
 Et cernes, non has equidem sibi querere sedes,
 Felices proprijs, tamen hic victricia castra
 Figere, & optatam terris inducere Pacem.
 Cum bis millenos bis centenōsq;, recurrens,
 Bisq; decem, Boica ductos ab origine gentis,
 Annuus in calo Titan impleuerit orbes.
 Dixerat: & mihi dicta fidem, spem præbuit atas.

Et nisi dextra manus, nisi mens me laeva fefellit,
Si misi in digitos sine fraude fideliter annos,
Si solita Sol flexit iter regione viarum,
Si noua non fregit priscum sententia fatum,
Promissi venere dies & mollius auiam,
In patriam reduces Boij aduexere Leones:
Hinc nostra exuta mansuescit Bellua bile,
Et redit ad veteres, iam candida tota, colores,
Fucatos exosa dolos, & turpia pacta,
Cum grege vulpino male conciliata, refringit,
Reginaq; suum reddit diadema voluceri,
Compensare fide veteres iurata furores.
Sic hausta à Boico pia disciplina Leone
Correxist rabiem; inuau aspexisse Magistrum,
Voce quati, validis inuau occubuisse lacertis;
Et perijsse salus fuit, & Victoria, vinci.

BONUM factum ! Praga non vnus Imp. Romani
 sede relicta ad æternam urbem, ipsumque Romani
 Imperij Caput gradum promouemus, tanto illustrius
 illic Boicæ gentis trophæum visuri, quanto illa vna
 vrbs reliquis omnibus Caput altius extulit, iura pœ-
 ne toti orbi ausa dicere, quam tamen ipsam ante Chri-
 stum natum CCC. XXXVIII. siue bis millenis vn-
 denis ante nostra tempora annis Galli, qui à Belloue-
 si (is Sigouesi nostri frater Germanus fuit) expedi-
 tione, eodem, quo Boiohemica, tempore suscepta, in
 Italia confederant, Brenno Duce captam, post septem
 menses,

menes, ad libellam expensam, auróque æstimatam
 deseruere : Gallorum in Italia fortissimi semper Boij,
 Insubres, & Senones habiti. Captæ vrbis decus ad
 Boios pertinere alibi probabitur; Poëta qui trophæum
 exscripsit, descripsitque in præsentia Silium Poëtam
 sequi satis habuit, qui bello Punico medio Chrixum
 Boiorum ducem, Atavi Brenni stirpe superbientem &
 pensantes aurum Celtas vmbone ferentem, historicâ,
 vti putamus, fide, quemadmodum pleraque omnia
 graphice descripsit. Est igitur hoc alterum Boicæ
 gloriæ.

T R O P H æ V M

A. BRENNO REGE ÆTERNÆ
FAMÆ ERECTVM.

*Pernix præpetibus Fama volatibus,
 iam dudum ambiguë ebria fabulis,
 Fortes Boingenas Martia pectora,
 Virgato niueum, & cæruleum sago
 Brennum, Romulidis terribilem, sona;
 Non illum trepidi mania Clusij,
 Non turbata rubris vorticibus vada,
 Non totum moriens Roma sinit mori.
 Scis postquam Fabios immemores sui,
 Ruptoque indecores sedere gentim,
 Armanis suis in perniciem furor,*

Et Caduciferos induit ensibus,
 Vt Brennus Clypeum fulmineum rotans,
 Et septemgeminis vltima collibus
 Intentans, gladij vindicis impetum
 Vix tandem innumera cade refrigeris;
 Testis dira nigri nominis Allia,
 Qua tunc purpureo tardior aluco
 Florem Romulei roboris obruit;
 Nec Brenni erubuit vulnificam manum
 Pincernam Ausonij dicere sanguinis:
 Sed Brennus neque sic ebrius, integram
 Ad Romana sitim mania detulit:
 Illic Patritio sanguine Curiam
 Depingens, Caputum melle senilium
 Dispersit vacuis funera compitis.
 Bustum Roma fuit, totaque montium
 Depressa in cinerem gloria concidit.
 Rara inter lacrymas exanimas suas
 Tarpeio resides relliquia ingo,
 Damnauere manus, vt patriam, & Ioueno
 Libellâ eximerent turpiter aurea;
 Dum Boius Latij insolitum auribus
 VÆ VICTIS misero concineret ioco.
 Hac Urbis Domina fata, modestiam
 Inculcare suis docta nepotibus;
 Vt nemo sceleri non metuat suo.
 Captiui meminit qui Capitolij.
 Quorsum ergo indomitus prosiliit furor?
 Quid tentat populi Roma Bohemici?
 An tutam Hercinijs se latebris putat?
 Boiorum in patria peccat, & improbi

Vltri-

Vlricem sceleris non metuit manum?
An Brenni hoc melior probra ferat Nepos?
Sic spectas Aquilas? sic diademata?
Sic Fragam Dominis non regies suis?
Quin Hyblea velut progenies domi
Fucum quando suas inter opes videt,
Detestata gulam colligit agmina;
Ignauumq; pecus murmure circumit;
Pars hastata suo pugnat aculeo;
Pars raptis pedibus puluere grandinat;
Pugna nulla quies; vulnere tardior
Donec raptor iners aut cadit, aut fugit.
Sic fucata cohors non sua bombilans
Inter regna, pigris turgida pinnulis,
Dum furto imperium querit, & improba
Quidquid dulce gula est, iure suum putat.
Experta est Boica quid valeant manus:
Capere ut creperis tympana buccinis,
Intermissa sono clangere martio,
Et rostri intonuit bombus ahenei,
Index non fatui fulminis, & necis.
Quis fixos profugo tunc mihi tergo
Mucrones numeret? casaq; lucida
Victorum gladio corpora collibus?
Quis disiecta solo brachia colligat?
Coniurant Boica flumina fulmini,
Et quos praterijt dextra, necant aqua:
Nec iam Molda rubra cesserit Allie,
Fastis nata aliud nomen in Vngaris.
Nil tunc ipse suis profuit arcibus,
Prisco Argo melior perfidia Vigil

Anser,



Anser, multicrope notus ab Hussia:
Et, cum Brennus ab hac proditus Alite,
Tarpeiosque lares, & fora Romuli,
Tot vexata malis, & prope subruta,
Non dextro fugiens cesserit omine,
Tu, Dux Magne, Tuis clarior ausibus,
Quidquid iurrigero Praga cacumine
Ipsis inseruit Dadala nubibus,
Acclinem pedibus flectere verticem
Vidisti: dedit & regia nobilis
Desertum solium, sceptraque dexteris
Non tractata suis; addidit insuper
Crus auctariolum; Regia qui rapit
Ornamenta, miser perdit Equestris.
Tu Brenno hoc etiam iustior arbiter,
LIBRA *IVSTITIÆ singula ponderans,*
Illi iura etiam Martia subijcis.
An se victam alio Praga velit Duce?
Cuius bella tribus pingere qui notis,
Eternoque paras scribere fornice,
Phæbi ex orbe duo detrahe sidera,
Ambo spicifera proxima Virgini;
Hinc stet LIBRA suis ignibus, hinc LEO;
Nunquam Iustitiam perpetua minus
Dimittunt comites, Robur & Equitas,
Quam BOVIS quoties bella monet LEO.

Roma

ROMANÆ felicitati qui parem quarunt, ferè in
 Alexandri Magni fortunâ subsistunt, quem fata in
 diuersum à Romanis orbem emisisse eo potissimum
 consilio videntur, ne illis inter se bello collisis manife-
 stum fieret, Roma an Alexander fortunam habuerit
 obsequentio rem, quod illa disputari à posteris quàm
 sciri maluit. A Liuiò id disertissimè factum, apud quem
 Roma ubiq; triumphat, cui quidem palmam minore
 inuidiâ dedisset, nisi Brennus probâisset eam vinci pos-
 se; Certè constat, siue id casu, siue consilio factum, po-
 pulum Romanum Alexandri neque arma, neque fœ-
 dera tentâsse: Galli tamen Adriatici maris aecolæ (ij
 Senones Boij & Insubres fuere) virium animique con-
 fidentiâ, legatis ad maximum Orbis Regem missis,
 eum sibi amicum conciliarunt, quem tamen hostem
 adeò non formidarent, vt Regi quærenti, quid popu-
 lus Gallorum metueret, id duntaxat responderint, *Ne
 calum rueret*; factum id annis ante Christum Natum
 CCC. XX. plùs minusue: quâ vnica voce nihilo ob-
 scurior *Magnanimitatis Trophaeum* genti Boicæ sociisque
 foris erectum est, quàm antehac victrice manu domi
 statuerant. Alexander quidem ex hoc dicto æstimatos
 amicos, quàm hostes habere maluit. Videbat ita forti-
 ter loquentes fortius pugnatorios, & ex dicti acuminis
 gladium minimè hebetem coniecit. Autor Ptolomeus
 Lagi apud Strabonem.

D

TRO.

TROPHÆVM MAGNANIMI

T A T I S.

Notus ab Vngue Leo est, sed & vngues deme Leoni,
 Ingenium incipiet prodere voce suum.
 Hac dat iura suis etiam non visus in armis,
 Absentemque timet Turba modesta Ducem.
 Quodque Ioui tonitru est, rugitum hoc crede Leoni,
 Hac mouet ille Homines, hoc regit iste feras.
 Est etiam humanis vis & reuerentia dictis,
 Et potes ex quavis voce probare virum.
 Septem cauta Sophos numeravit Gracia; nomen
 Forsitan hoc illis syllaba docta dedit.
 Excidit hoc olim meditato, γῶδι τραυλόν,
 Et Deus humano est creditus ore loqui.
 Verba, Solon, Craso dederas duo, RESPICE FINEM,
 Ista tibi vitam verba dedere duo.
 Delphicus hac templis dignatus Apollo probauit,
 Quin & carminibus pratulit Ipse suis.
 Si tria verba, Deo meruerunt Iudice templum,
 Pridem etiam Boijs ara dicanda fuit.
 Quos nisi mille probent Manotia Facta Leones,
 Hoc illis Nomen Martia Dicta dabunt.
 Vnica vox illos Pellao heroica Regi
 Fœdere perpetua iunxit amicitia.
 Post tractam vario mensam sermone, rogârat,
 Quid dignum Baius crederet esse metu?
 Nempe ratus Macedum dicturos robur, & iram,
 Quæ plus atherijs sint metuenda minis.
 Sed responsa viros perhibent; dum dicta latentis
 Conscia virtutis dant inopina sua.

Quod

Quod nostros terrere animos, Rex, posset; id unum est,
 Emotis, Cælum si ruat, axe polis.
 Stent aterni Orbes, reliquum rotet Æolus Orbem,
 Impavidum hac feriet tota ruina caput.
 Pectoreque obnixus nudo, si dempseris arma,
 Ad qua confugiat brachia, Boius habet.
 Obstupuit, dextramque dedit Pelleus, & Orbis
 Contemptor, tamen hos credidit esse viros.
 Quique Leonino se pectore censuit, huius
 Non potuit Galli non tremuisse sono.
 Applausum est voci magnâ ambitione, sibi que
 Furtim illud plures assennere decus.
 Sed stetit in Boicis vox nunquam crassa trophais,
 Nunc propria est animi, MAXMILIANE, tui.
 Quid Boij metuant, & Bello, & Pace, probasti,
 Et multi hoc vellent Te docuisse minus.
 Hæresis innumera cum se ceruice moueret,
 Et mille errigeret cornua, Lerna minax.
 Cum Sceptro molita foret scelerata ruinam,
 Ad quod quarebat Marte, doloque, viam.
 Bellua Tartareis ita pleraque miscuit ausis,
 Ut propè nemo suo staret in officio.
 Iamque velut parto mutasset lura triumpho,
 Subruit insanâ Sacra, Profana, manu.
 Et mox liberius debacchatura, parare
 Insidias oculis taperat, Arge, tuis.
 Eruta sexcentis frustra qua lumina uotis
 Optarât, captis permiciosa suis.
 Nimirum Imperij Tutor Leo Boius, utrumque
 Das inconnitas, lumen, in excubias.

Quem statione sua dum deturbare laborant,
 Quot scimus mixtas fraudibus esse minas?
 Cuncta tamen veterum sunt voce elusa Parentum,
 Astra Leo Boius nil nisi lapsa timet.
 Et timeat lapsura? comes cui militat æther
 Auxiliatricem sponte professus opem?
 Titanes metuant anxi rescindere calum,
 Ne stultum involuant fragmina lapsa Caput.
 His nuper Sidus luxit ferale Cometes.
 Quotque comas, totidem sparsit ab ore minas.
 Successura minis fuerant sua fulmina; quanquam
 Victor (sensistis) Fulmina Boius habet.
 Dum LEO conspirat cum Fulminis Alite, tutam
 Impietas etiam se Cataphracta putet?

PAULò post Alexandri M. mortem, Gallicæ gentes
 complures, siue æmulatione Virtutis Macedonicæ,
 siue Genio suomet obsecuti, in Pannoniam, Illyricum,
 Thraciam, Græciam, Macedoniam profecti maximas
 vbique res gesserunt, laboriosioribus chartis explican-
 das. Populorum, qui in hanc expeditionem nomina
 dederunt, plerique ignorantur; Trocmorum, Tecto-
 sagum, & Tolisto-Boiorum nomina hodieque super-
 sunt: & ultimos quidem vel vernacula voce, Boiorum
 præstantissimos, vel ut Straboni placet, à Duce Tolisto
 sic dictos, Boios reuera fuisse, Velserus, aliique osten-
 derunt: Hos ipsos Iustinus I. 24. Ducibus Auiibus do-
 mo profectos scripsit. *Trophaum ergo Bonis Auiibus erectum*

carmen

carmen merebatur : quando & Serenissimo Principi
 caelestes Genios, quanto meliores Alites ! non minus
 quàm S. Henrico, iidem Boiorum quondam Princi-
 pi, & Imperatori, præbens, bellis nuperis, auxilium tu-
 lisse, imò vivos sibi diuinitates milites, etiam hostium
 aliqui fassi sunt, omnes certè senserunt; calamitatibus
 suis testari, Serenissimum Religiosissimumque Prin-
 cipem *Guilielmum* Regias impensas in Augustissimam
 D. *Michaëli* & caelesti Militiæ omni Sacram Aedem à
 fundamentis erectam optinè collocasse : stipendium
 Angelis numerauit, ex illo die in suum, Filiorum, to-
 tiusque posteritatis, & Boicæ vniuersæ subsidium au-
 ctoris, quanquam cum Filio Parentis nomine omnia
 deberent, tot tamen ab ipso met Serenissimo Principe
 MAXIMILIANO pijsimi animi obsequijs culti sunt,
 vt difficilis illis satisfactio futura fuerit, nisi Principes
 essent maioris Regni : Nam quot priuatim illius pre-
 ces Deo adnumerant, recensere illi possunt, quos nul-
 la pietatis Vnciola fallit : Publicè certè, bello durante,
 Ser. P. iussu solenni Ecclesiæ Officio eorum hono-
 rificato, quot hebdomadis culti sunt. & eo potissimū
 auctore illorum veneratio longè latèq; propagata est,
 vt mirum non sit, si in hoc seculi nostri Ezechia pro
 Iustitia, & Pietate pugnante, vetera miracula diuinissi-
 mi Milites renouarunt.

TROPHÆVM BONIS AVIBVS.

Dardanus fato Patria superstes
 Fertur Æneas, ducibus columbis,
 Aureum dextrâ rapuisse, nullo
 Vindice ramum.

Huius aspectu reserata frondis
 Tartara, & custos anidos hiatus
 Cerberus pressit, patuitque nigri
 Ianua Ditis.

Gratior Boios Anium Caterna
 Dux via, quondam tulit in potentes
 Thracia campos; patuit secutis
 Aurea messis.

Terruit Virtus Peregrina Gracos,
 Vixq; tot scuto bicolore rhombos
 Explicat, quot sub sua iura gentes
 Boius adegit.

Sed duces nolo volucres ad antra
 Tartari; tanti neque ramus auri est;
 Hec nimis pandis foribus teruntur
 Atria Ditis!

Martium felix nisi cantet oscen
 Classicum, non me temerè volantis
 Ala, nec raucum male garrientis
 Excitet omen.

Ille Romani moderator Orbis
 Regius signum nisi mittat Ales,
 Aureo si non prius euolant
 Fulmen ab vngue.

Nemo

*Nemo me Marti sociabit Angur,
Tunc bonâ bellum volucris geretur,
Quando Romanas Aquilas sequentur*

Sponte Leones.

*Hinc Tibi, Princeps, faciles triumphos
Attulit fausto bona fors volatu
Aureis, victrix tua castra cinxit*

Gloria pennis.

*Venit & Calo cataphractus Ales,
Ille, qui primo melior duello
Contumax hydra caput egit imo*

Victor Averno.

*Ille sub signis socias cohortes,
Agmen alatum meliore pinna
Duxit; aequales habuere nulla*

Castra volones.

*O Deo charum Caput! & fauente
Semper in pugnas ruiture Calo,
Sponte coniunctis, Tibi militauit;*

Viribus Æther.

*Hostis exanctas acies notauit,
Et manus sensit grauioris ictum,
Nobili ut posset scelus interire*

Nobile dextrâ.

*Hoc datur magno pretium furori,
Colligit grandem titulum sepulchra,
Et iuuat tandem pietatis hostem*

Fulmine tangi.

*Vidimus nuper tumidas Olympo
Ire vastata regione flammâ;
Vidimus sparsos fluuios rebelles*

Currere tabo.

Ansus

*Ausus aternos violare fasces
 Caesaris Magni, hæc hon paterna
 Immemor meta, periturus ignes.
 Sparsit, & arsit.*

*O parùm tutis ingulâte votis!
 Heu nimis magno licitate regnam!
 Purpura quantum tibi pro secunda
 Sanguinis haustum est!*

*Muricis vilis cruor est; lacernæ
 Iam suum debent Homini colorem:
 Regulus pulchrè ut rubeat, miscella
 Patria pallet.*

*Vt coronatum Caput iret vnâ
 Comptius paulo, grauiusq; brumâ,
 Heu quot infandis Caputum expiauit
 Messibus æstas?*

*O mala fraudes volucris secute!
 Sine fallacis Veneris columbus,
 Sine mirandus Eueris, ruentem
 Pano fefellit:*

*Quisquis in saltus facilem Bohemos,
 Ad locum sceptri, rapuit latentis;
 Subdolo dextram tibi præpediuit
 Regule visco.*

*Tessera ad nigros fuit illa Manes,
 Iamq; quot fæto meliore dignos,
 Lethifer, Nauta dedit auhendos,
 Ad Styga, ramus!*

*Interim dum tu sterilem cornuscas,
 Exulâ regno, patriâque frondem,
 Alter è silua meliore mala
 Aurca legit;*

Quæ

*Quæ tuâ quondam radiâsse dextrâ
Vidimus, donec puerilis ardor
Traxit ad Sceptrum, venitq; palmas
Induit auro.*

*Fabula antiqua taceat Tolosa,
Tristius Fatum venit à Bohemo,
Non suis quando manibus stat, auro;
Tange, peristi.*

*Nunc manu pomum cecidit, nouisq;
Tantalus votis inhiat relicto;
Frustraces, in dextra residet Milonis;
Nemo reuellet.*

*Ipse, quem pomi facies adumbrat,
Orbis, hoc gaudet recubare fulcro,
Tutius nullis manibus, nec ulli
Fidat Atlanti.*

*I, Duces, speretis Aquilis, minores
Augur obserua, leuibusque pennis
Crede fortuna, fugit inter omnes
Prima volucres.*

ANNIS ante Christum natum CC. LXXIX. Centum ipsis post Romam à Brenno captam, Brennus alter, idem Gallus, templum Delphicum spoliare aggressus, sacrilegij ingentes pœnas dedit, per omnia humanæ Patientiæ exempla tractus: Ab eo scelere cum Tolisto-Boij, Trocmi, Tectosages, secessione facta longius abessent, cum suæ Pictatis fructum tulerunt, ut Thraciâ primum potiri, deinde cum in Asiam

E traie-

traiecissent, eam omnem, usque ad Taurum montem
 vectigalem fecerint, regione etiam, quæ ad Sangarium
 & Halym fluuios sita est, de communi nomine Gala-
 tia dicta, amplum illic & diuturnum Imperium fun-
 dârunt. Erectum verò à Tolisto-Boijs *Pietatis trophæum*
 ad posteros in optima parte hæreditatis transmissum,
 & nuperis bellis à Serenissimo Boiorum Principe MA-
 XIMILIANO amplissimè exornatum, hoc etiam vete-
 ri illi æquale habet, quod *aureo* Rom. Imperij *globo* in-
 signibus addito, eiusdemque Curâ à Cæsare deman-
 datâ, tantum Boijs in Europa gloriæ, & nominis con-
 ciliatum est, quantum in Asia sibi Tolisto-Boij pepe-
 rère; nisi quòd Principis nostri Pietas cum illa com-
 parari se non patitur; Illis palmarium fuit Sacrilegio
 abstinuisse. Iste sæculi nostri Brennos complures iu-
 stis vltus armis, manum non Apollini, sed vero DEO
 commodauit, ob id tamen meritis, vt tota Apollinis
 Curia, & Parnâssus omnis in illius laudibus occupetur.

TROPHÆVM PIETATIS.

*Felices belli sortes, Pacisq. fauores,
 Et tam crescentes; promoti limite, fundos
 Boiorum, Dominsq. suis, & lure beatam
 Mirabar Gentem, viridi prostratus aprico
 Herbarum, quâ fertilibus fuit Isora campis.
 Hic mecum ambiguus agitans certamina sensis,*

Mulca

*Multa mihi respondebam, mihi multa negabam,
 Scrutatus causas, Magnarum conscia rerum
 Franie, non Astrorum, motusque viarum
 Tantum docta, sed & Diuum, qua mente reposta
 Fata manent, alto bibere, & depromere corde;
 Constitit ante oculos, & Boios amula rhombos,
 Caruleam vestem tessellis miscuit albis.
 Ore serenato, Dea sum, caelestia narro
 Infit, (ego totis collectus sensibus hausi
 Verba Dea, placida inter non mala murmura lymphe.)*

*Hac tam lata suis tellus, & florida glebis,
 Tam dilatati fines, & collibus aucta
 Vitisferis antiqua Ceres, & Bauara nuper
 Isfera diuinis Rheno coniuncta Hymenais
 Munera sunt Superum, castisque salaria curis
 Debita, sed priscis iam pridem debita Boijs;
 Qua pia posteritas, non degenerantibus aucta
 Virtutum studijs, à Religionis reposcit.*

*Nam quid te memorem Calumq, oblite, Deosq,
 Brenne, sed ultores Calumque, experte, Deosque?
 Forti ad bella manu, si non ad furti fuisset
 Fortior illa manus; quando populatus Achinos,
 Graiugenasque metu terras, & littora complens,
 Phocaeasque domos, & tecta loquacia Phæbi,
 Qualicumque Deo, & pro Numine, Nomine tuta,
 Sanguine pinxisti, & scelerum successibus usus,
 Delphica communi consulta Oracula voce
 Argiunum, & Populorum, quæ se maximus Orbis
 Circumagat, tandem violento inuadere gressu
 Ausus es, & Danaum manibus Donaria fixa
 Diripere, impositasque adytis auertere Gazas.*

*Non tantum voluere nefas socia agmina, bellumque
 Exaderibus pactis Brenni olim castra secuti.
 Telesages, Trocmique; sed hi vix nomine noti.
 At primi fugere scelus, Fanique rapinas
 Exosi, Boica longè pars optima Gentis,
 Tollisto-Boij, secum meliora probantes.
 Traxerunt. Neui nulla putes data premia facto,
 Vinci terra pijs posthac nulla horruit armis;
 Et dixit Dominos Orbis pars tertia Boios.*

*Cùmque Djs merito Brennus daret ultima passio-
 Funere supplicium, Boij maria omnia circum
 Aruàque permensi aternos egere triumphos,
 Threijcios agros, angustique aquora Pantis,
 Iam deuicta supergressi Byzantia regna,
 Ingentemque Asiam, quâ Tauri limise clausa est,
 Edomitam tenuere ipsi, tenuere nepotes.
 An tanti est, Afflictos etiam non ledere Diuos?*

*Ergo quid meruere, quidò, Gens postera, Boij,
 Calicolis, quâ fas illis mortale dicari
 Auxilium, deuoti animis, & vindice dextrâ,
 Tûq, unus, tot seruatis, DVX MAXIME, Diuum
 Liminibus, veterique sacris in sede locatio?
 Nunquam interruptis Pictatis, Note, triumphis.
 Horresco referens, quo se tua, Calue, libido
 Extulerit, quando Calo Terrisq,ue minatus,
 Hac duo regna vnâ conuellere nifus es armis,
 Dirius in superos rabiens! Altaria donis
 Vidisses exbata suis, pendentia sacris
 Parietibus simulacra Virum, quos suspicit aether,
 Rapta manu, ferro conuulsa, & calcibus icta:
 Sacrorum tumulos Heroum inuertere sauis*

Non

Non veritè furijs, Spes regni, urnasque, relictosque
 Artus dissecere, rogis etiam ossa nefandis
 Iniecta, & Cineres Calì per inania misit:
 Hoc dedit, non posse illuc pertingere telum,
 Sine facem; nam qua lacero spectacula Calo
 Sint potiora? quid ambustis formosius Astris?
 Quid nostri possint maius sperare Gigantes?
 Quàm Calo, Terrasque omnes proscribere Divos,
 Virtutumque pilos in utroque eradere regno?
 Regnet ut Impietas, cum Caluo sola marito.

Hocne ferat Calum? vel si sua fulmina calum
 Differt, nonne Aquilis, Bojsque Leonibus arma
 Induat, & superà belli signum efferat arce?
 Pacatosque animos melioribus imbuat iris?
 Cum iam fatali flagrarent omnia flammâ,
 Et pallens cultro Pietas admota stetisset,
 Amissura animam; cur non, cum margine dulcis
 Errataque, & vitreas lupus inquinat unguibus undas;
 Surgat in arma Leo, & laticum defendat honores?
 Quid sacrum Impietas habuit? quis limpidijs vsquam
 Fons iuris, quem non infelix planta lutaret?
 Heu! qua candoris germani vena priores
 Servauit nullo confusa nigrore colores?
 Quot therma passim calidi bullire cruoris
 Visa, stigmatia gratissima balnea Caluo?
 Et quàm multienses iugulo Pietatis inerrant,
 Scrutati fontes? mala bellua scalpurit ungue,
 Tristis adhuc, quod non lacryma undiq, & undiq, sanguis
 Es nisi restiteras furijs, Leo Boie, fuisset.
 Si Pietas anima est Patria, si Patria vivit
 Huic Animam debes, huic debes Patria Vitam.

*Et miraris adhuc Boica felicia Gentis
 Iugera, tam longos hoc Principe ducere sulcos?
 Hos titulos? sceptrumque novum? Capitisque decorem
 Purpurei? quin nondum etiam largissima dextra est,
 Quâ pluit in Boios Virtus sua pramia campos.
 Accepti, atque Dati si conspirare tabellas
 Fata velint, ipsum cogant descendere Calum:
 Et facerent; sed si hoc terris subducimus Astrum,
 O quali depressa gemet Germania nocte.
 Sic ait Vranie, & calo se reddidit ales.*

Iustitiâ Principes Deos fieri rectè apud Senec. Augu-
 stus censuit, quâ vnâ remotâ neq; regna aliud quam
 magna latrocinia cordatè maior Augusto Augustinus
 dixit. Hinc Heroës antiquis Semidei dicti, quod forti
 manu illud Iustitiæ æternû scitum suum cuique tribuendum,
 contra Tyrannorum Impotentiam tuerentur. Eius
 decoris trophæa Boicæ genti propria colligere plura
 promptum fuit, nunc Ducarij Boij factum ad rem præ-
 sentem perplacuit, qui annis ante Christum natum
 CC. XV. eo bello, quod Annibal Boiorum potissimû
 operâ Romanis formidabile gessit, C. Flaminium Cos.
 Rom. insigni galeâ Gargeno Boiorum Regi detractâ
 superbientem hastâ transfixit, vt non modò nobilis ad
 Trasumenum lacum victoriæ prima gloria Boijs de-
 beatur, sed obtruncato Regiæ Coronæ inuasore in-
 signe *Iustitia vindicata* trophæum sit erectum; quæ cum
 proxi-

proximis annis fœdè oppressa, iterum Coronam Regiam ad iniustum Dominum translatam vidisset, ad Vindices suos Boios recurrit; eo euentu, vt eorum Duci, nouo Ducario, libertatem debeat, quam testatura nobiliore symbolo illi Pileum imposuit, per quem ipsa Coronam receperat.

TROPHÆVM IVSTITIÆ VINDICATÆ.

*Iam pridem poterat iocosa Cornix
Stultis versicolor, nitensq; furtis,
Et collatitiâ venusta prada,
Pruritus misera rapacitatis
Ex toto volucrum fugare regno.
Cunctorumq; Magistra nidulorum,
Pullos lura Modestia docere;
Si tergi miserabiles lacunas,
Et caluum in media caput iuuenta,
Pectus tonsile, depilata crura,
Et vultu glabriora ludione,
Turba ostenderet arrogantiori,
Et simul crepera loquacitate,
† Tonstrina miserabiles cachinnos,
Causâsq; insolita exarationis
Facundo caneres diserta rostro;
Tantas ingenuè professa penas
Se tralatitia dedisse pompa;
Tanto syrma sibi stetit, frustra
Natio superadditum colori,*

Sed solis superadditum rapinis;
 Cui cum Pauo oculos, Alauda cristam,
 Suum Psittacus immigrasse torquem,
 Suas cetera Turba margaritas
 Infanum stomachata subnotasset,
 Concurrentibus hinc & inde rostris,
 Hoc se caluitij probro notatam:
 Raptæ supplicium proinde formæ
 Noster Gymnosophista si recanter,
 Mox rupto saperet modestus onus
 Pullus, nec nincto Parente natus
 Tutum crederet explicare cristam;
 Nec triseclisenex negare Phœnix
 Vellet, se cineris fuisse prolem.

Cur ergo modo purpuratus ales,
 (Quem vulgus, puto, Regulum vocauit)
 Quamuis & Tyrio superbus ostro,
 Inter Aurea mala nidulatus
 Pulcher in patrio ambularet aruo,
 Et solis Aquilis minor, quietus
 Nicro lura daret, darétque Rheno,
 E myrtillifero petenda monte;
 Coruis consiliantibus, vacantem
 Ausus est Aquilæ inuolare nidum?
 Non pluma insidians vel huius, vel illi,
 Sed frontis diadema non mouendam
 Insido sibi vendicauit vngue?
 O factum male! furta pinnularum
 Cornix defluuio comantis ala,
 Horti tubere lauior, pianit;
 Hic raptæ sibi plaudat in Corona?

Musset

Musset hoc Aquilina turba probrum?
 Et non omnibus exacuta rostris
 Regina decus asserat volucris?
 Cur, cum Regulus asseratus ausu,
 Spreto fulmine clarigationis,
 Malum res repentibus minari
 Collectâ sibi factione capit,
 Non Boios Aquile vocent Leones?
 Qui raptas dare Regibus Coronas
 Fecerunt sibi proprium laborem.
 Nec negat Trasumenus, Africano
 Qui quondam erubuit lacus triumpho,
 Illuc Flaminius potens iniquis
 Boios legibus inuolare campos,
 Romanum periturus egit agmen;
 Et ne eos Boica decesset ira,
 Gargeni galeam, iubâque Regis,
 Toto vertice toruus explicauit;
 Nouit signa Ducarius, suâq;
 Irritator expudore gentis,
 Impotentior ex colore Regis,
 Romano breue gaudium, suisq;
 Aeternum peperit manu triumphum;
 Et insignia vindicata regni
 Morte Consulis expiauit, & nec
 Galerum Capiti, aut Caput Galero
 Posthac censuit vltor inuidendum;
 Et fixo monuit Duces trophæo,
 Quisquis postposito pudore, raptâ
 Tutus viuere vellet in Corona,
 Occursare Leonibus caueret,

*Et Boijs patriam mouere bilem:
 Hinc cum pelleret Æmulum Corona
 Nidis Regius Ales & Bohemis,
 Confusus Boici Leonis armis,
 Et Regnum, & Capitis decus recepit.
 Cornicis veterem subinde ludum
 Fictus Regulus insulis theatro;
 Assutas dolet interisse plumas,
 Natiuas gemit auolasse pennas,
 E coma diadema, crure gemmas,
 Et pictam ex humeris migrasse abollam:
 Si cui nunc rubicundior videtur,
 Non est hic Tyria rubor lacerna,
 Sed masti color ultimus pudoris;
 Nam qui tot gladios cruore tinxit,
 Tandem vel fugitiuus erubescit.*

VNICVS à Ducarij triumpho fluxerat annus, cum
 mox iterum Italici Boij, militaris ingenij exemplo,
 ad omnem memoriam insigni, edito, L. Posthumium
 Albinum iam Consulem designatum, qui tum Prætor
 contra Boios exercitum ducebat, cum duabus legio-
 nibus Romanis, tantisque sociorum copijs, ut omnino
 xxv. armatorum millia sub signis haberet, funditus
 deleuerunt. Litana enim silua, quæ Romanis trans-
 eundum erat, arbores ita inciderunt, ut immotæ sta-
 rent, momento leui impulsæ occiderent: eas, cum ex-
 ercitus Romanus saltum intrasset, in hostem Boij im-
 pulcere,

pulêre, & propagatâ, cum arborum ruinâ, miserabili strage, arma, viros, equos obtriuêre, vix decem elapsis. Rem Polybius Liui. Zonaras, Frontinus l. 1. c. 6. narrant. At enim vt erectum à priscis Boijs in Litana silua *Militaris solertia trophaum* Seri Nepotes nostro æuo renouarent, malo fato suo Perfidia siluam Bohemicam, etiam ipsam veterem Boiorum patriam subiit; vbi tamen non arborum, sed armorum vi oppressa est, delictusque tumulo mons, qui *Candidum* se iam dici non vult, postquam cæsæ Impietatis sanguinem bibit, quæ illuc ex siluarum vmbra protracta est, non quòd diem mereretur, ad æternam properatura noctem; sed Victorum interfuit, vt heroica facta in publica luce constituerentur, & vt Bona caussa, quam Cæsar & Serenissimus Princeps Boiorum tuebantur, sole inspectante, triumpharet.

TROPHÆVM MILITARIS SOLERTIÆ.

*Chaonij montes, Dodonaïque recessus,
Quæ vestris spectata putem miracula siluis?
Vt cum negligerent ea Fama tradere Musa,
Ruperit iratas tandem indignatio quercus,
Mollisque in duros ierit facundia truncos,
Inuentusque locus linguis in robore, nostris
Ausuro posthac impingere probra Poëtis;
Quid tanti fuit? vt nativam perderet artem*

Os hominum, & nullo cantaret silua magistro,
 Et passim viridi starent tot vertice vates;
 Solâque cum faciles Laurus daret ante furores,
 Istis ingenium faceret rigidissima quercus:
 Si vel que saltu nuper visenda Bohemo,
 Vel pridem Luco non inferiora Litano,
 Ingeniis Gens Boia animi documenta reliquit,
 Spectasses Dodona tua patrata sub umbra,
 Undique vocales spuerent praconia frondes,
 Et totam fieri velles te denique linguam:

Nunc quia sunt nostris portiones silentia siluis,
 Nec quousvis arbusta iuuant, nos facti canemus.
 Quâ veteres rignis Boios Padus alluit undis,

Silua Litana stetit, nullâ violata securi,
 Intemerata Caput, nutrix aurosa ferarum.
 Brachia dispandens texenda aptissima fraudi;
 Hoc nemus occulta cinxere indagine Boy,
 Parte sui, subiit densum pars altera Lucum;
 Propter radices aggressa bipennibus ornos
 Incidit medias, & vulnera cortice velans,
 Distulit horrendos in idonea tempora lapsus.
 Fleuerunt Satyri, montanâque Numina Fauns
 Desernere, oculis, tristes, lacrymantibus, antra,
 Instabile que lares: at Boijs scrupula tectis
 Præbuit interea tutas spelunca latebras,
 Donec in insidias incautum duceret hostem
 Semita castrensis, qui per compendia saltus
 Sperabat Boicam citius interuerrere prædam.

Hostis erat Latie stipatus robore pubis
 Posthumius, Consul modo defignatus in Vrbe,
 Speratos proprio picturus sanguine fasces.

Hic,

Hic, dubium an fissus numero contempserit hostem,
 Suaferit errorem an prasens, & conscia virtus,
 Non explorata succedere ferrea silua
 Agmina, & ignoto iussit se credere calli;
 Auctior utque foret, densato funere, prada,
 In cladem placuit socias accersere gentes.
 Iamque propinquabat, letho deuota, sepulchro
 Turba suo, crepitum cum robora secuta dedere,
 Auspicium infelix, puduit tamen ire retrorsum.

Vix sese tempere viri, quos antra tegebant,
 Quin immaturis urgerent nisibus alnos,
 Intempestiuq; ni Dux renocasset ab ausu.
 Sic quando est Cerni vestigia nactus Hylactor,
 Aut notos bibit aure sonos, vix ora Molossa
 Verberibus cohibent, & lento fune Magistre,
 Donec latratum, & cursum spes proxima laxet.
 Siste gradum, Miles, viridi latet anguis in herba,
 Te rapit ad mortem decumanis passibus error.
 Ille tamen properans caucâ dum conditur, omni
 Parte ruunt trunci, procera cacumina terra
 Acclinant vetula quercus, cadit ardua Fagus,
 Illicæq; trabes, Abies enodis, & Vlmi
 Alliduntur humi, calum intonat omne fragore;
 Dat gemitum tellus, qualem Priameia tecta
 Non dederant flammâ cum procubuerent penates.
 Sic una implicuit peditesque, equitesque ruina,
 Pilâque cum clypeis, & cum thoracibus enses,
 Martia cum pictis perierunt tympana signis;
 Bis quinis tantum sors commiserata pepercit.
 Quin ipsum abscisso multârunt vertice Boi
 Posthumium, & caluam cerebroque & pelle carentem

*Auro calârunt, vsûmque dedere trientis,
 Ex illo Alcida vt libaret vina Sacerdos.
 Sic stetit à Latius facilis victoria Boijs,
 Et miserum Virtus habuit Romana sepulchrum;
 Quod tamen Impietas nostro ambitiosius auro
 Quasitum, rursus Boiorum inuenit in aruis.
 Scimus quos animos fanatica natio Calui
 In saltus tulerit, ferro confissa, Bohemos,
 Sola inconcesso spirans diademata voto;
 Quale facit primis palmaris Pussio lustris,
 Prætextâ curas nondum admittente seueras;
 Ludicra quem Regem quoties Basilinda creauit,
 Et quacunque Caput cinxit puerile coronâ,
 Durateum pedes vrget equum, grandæque triumphos
 Victor agit, patria subiens Capitolia caula.
 Sed damus his veniam, tenerisque ignoscimus annis:
 At quando similes barbata superbia ludos
 In maiore dedit, caperatâ fronte, theatro,
 Et sua cordatis fouit deliria curis,
 Quodq; viri faciunt, Martem ructauit, & enses,
 Hac sunt Perfidie febrientis somnia, dixi,
 Iam laruas videt, & regnum hoc ipsissima larua est,
 Ad Manes properat, nisi me praludia fallunt;
 Et quamuis patulis exultat collibus, ense
 Nunc faciet; quondam quod fecerat arbore Boius:
 Vt tamen hic, etiam Libisina seruiat arbor,
 Ferales tumultis aduoluet silua cupressos.*

*Dixi; omennunquam ventura coarguet ætas:
 Vos modo, de duplici, quando datur optio, silua,
 (Vtraque Boiorum est, concessa hac conscia fraudis,
 Ista manûs) Boico quercum exornate trophæo,*

*Aut si par tantis nulla est virtutibus arbor,
 Hinc atque hinc cantet Baios resonabilis Echo,
 Quando aliter quercus non est animare; Litana,
 Carmine amæbo, discat certare Bohema,
 Sempërque alternos vox finiat ultima plausus,
 Posthumius situs hîc, hîc Calui Posthuma Proles.*

DAmus & Fæminæ inter Heroës locum, sed Heroi-
 di, forti, & pudica, id est, vtriusque sexus virtutes, mu-
 liebri corpore, virili animo, complexæ. CHIOMARA
 est Regis Tolisto-Boiorû Ortiagontis coniunx, quam
 Græcæ, Latinæq; litteræ supra Lucretiam extulerunt,
 quòd eadem passa ferro melius vfa sit; & Polybius ma-
 ximus scriptor gloriatur, se illud sui, imò omnis seculi
 decus Sardibus aspexisse, & collocutum esse. Trium-
 phum illius CLXXXVIII. ante Christum natum
 annis in Asia inter grauissima duo damna Libertatis
 primùm, deinde etiam Pudicitiaë ductum, ex Liu. l. 38.
 Plut. Flor. Val. Max. Poëta fide historica descripsit.
 Porrò *Trophæum*, quod *Pudicitia* erexit, Militaribus Se-
 renissimi Principis non infereremus, nisi Orbî consta-
 ret, eundem, dum Perfidiā, Rebellionem, & totū Cal-
 uinistica Impietatis exercitum pijs persecutus est ar-
 mis, gementem etiam Pudicitiam vindicasse: Nam
 quas ea iniurias passa sit ab ijs, quibus nihil sanctum
 est, scimus; quos improbos sua secta facit; qui vt sine
 pu-

pudore peccent, scelerum suorum caussas in DEVM referunt: Nam quid aliud est vitia incendere (verba Senecæ sunt) quàm auctores illis inscribere DEOS? & dare morbo, exemplo diuinitatis, excusatam licentiam? Cur non igitur velut Artemisia in trophæo, quod ipsa sibi erexit, Rhodiæ ciuitati stigma inussit, Regina nostra Caluino iam stigmati, ob sua probra, affucto, ad vetera etiam hoc nouum adijciat, vt fœminarum ex Boica gente exemplis, virorum gladijs se sentiat confossum.

TROPHÆVM PVDICITIÆ.

*Famina cantanda est, sed solo femina sexu,
Cetera vir, maiorq; viris CHIOMARA, virili
Qua generosa manu, nec segni mascula mente
Natura errorem, & fortuna probra refellit:
Illa quod indigno clausisset corpore mentem,
Ista quod immerito clausisset carcere corpus;
Nam facilem veniam cum clades prima mereri
Posset, multiplici bene compensata fauore,
Cum sceptrum manibus, fronti diadema, sed ori
Diuinum decus arridens fortuna dedisset,
Euertit, solito, dotes temeraria, ludo.
Nam sceptrum extussit manibus, capitisque coronam
Dempsit, & in ferrum immeritam destruxit ab auro;
Et formam cum tam misera corrumpere sorte
Non posset, quando Reginam & vincula decebant,
Quoq; minus compta est, tanto formosior ibat,*

Accen-

Accendit turpes, ut mentem ambureret, ignes;
Cumque minor forma sit, quam iactura pudoris,
Matronale decus labe infuscare parauit.
Centurio, cui captiua custodia forma
Tradita, commisso male munere functus, ab ipso,
Quem iussus fuerat seruare colore, calores
Traxit, & insano cessit magè captus amori,
Quàm CHIOMARA suæ erat illaqueata catenis.
Ergo ausus tentare animum est, cum vincula voti
Spem facerent; quasi nil captiua negare, suisque
Mancupio tradi dominis mens libera posset.
Horruit illa scelus; primum hac iniuria vocis
Expressit gemitum, vultusque ad vincula constans
Palluit, & captam sese tunc denique sensit.
Hoc magis instat amans precibus, pretioque, minisque,
Nil effecturus precibus, pretioque minisque:
Sed cum omnes caderent artes, est viribus usus.
Fortior his tantum; sic captam, & feminam, & unam
Vi superat, frustra clamato saepe marito,
Sape Dijs, scelerum saepe ipsâ vindice Româ.
At voto tu plaude tuo, spolia ampla tulisti
Victor, & ingentis pretium laudabile facti;
Non impune, etiam sic victis arma supersunt
In iugulo lusura tuo, dabis improbe panas,
Quodque tulit CHIOMARA, lues scelus; ulla cruorem
Hauriet, atque tuo delebit sanguine labem:
Fata dedere diem; nam crimine notus ab uno
Noluit esse procius; cuius tulit antè pudorem,
Iam sitiebat opes; libertatèque daturus
Exposcit magnum, Caput in regale, Talentum:
Hec, daret ipsum etiam, dare si queat integra, regnum!

Hac omnis raptâ miserabilis auctio geminâ est:
 Sed pepigit, quando redimendi gloria probri
 Non reuocanda obijt, voto fuit vsa secundo,
 Qualiscunque suo reddi gauisa marito.

Nocte intempesta pretium sceleris iniqui
 Ad iussas portatur aquas; blanditur auaris
 Regia gaza oculis, sceleri non debita merces,
 Dum digitis metitur opes: dum ventilat aurum,
 Atque obiter refugo rapit vltima basia labro,
 Stringi Boia pium iussit Lucretia ferrum,
 Et duplex vltura nefas in sanguine fontis,
 Pendentem à collo, Boico iubet ense feriri.
 Tunc veniam amplexus meruit, tantique putauit,
 Vel sic, vindictam rapto petijisse pudori;
 Ille ruit, tinctusque tuo, CHIOMARA, colore est,
 Atque suo sceleri nunc tandem impalluit; ense
 Cum cecidit cernix, venisque pluentibus undas
 Tinxit, & in pictis mersa est sitis utraque lymphis.

Sic scelus vltâ, suâ caput à cervice reuulsum
 Sustulit ipsa manu; tunc tangi & tangere inuit;
 Optatumque proco ridentis sumere vultum,
 Pascere utrumque oculum, totamque exporgere frontem,
 Et velare sinu; tunc demum blandior, illum
 Dulce vocauit onus, nec dedignata cruorem est,
 Imò velus spolio victor ditatus opimo
 Gestit ouans, properatque Iouis suspendere trunco,
 Sic veteri, & demum iam soli dona marito
 Digna parat, charisque caput substernere plantis,
 Ut tandem ad castas genialis federis aras
 Excussit prædam, meus an tuus hoc tibi prado
 Supplicium exoluis? dixit; duolimina cernis

Quæis

*Quæis placui, sed non volui placuisse; peregrin
 Officium manus ista tuum, fortisque lacertos
 Fecit amor; dedit arma dolor; ne viuat, iniquè
 Qui tibi præceptos CHIOMARÆ iactet amores.*

ORTIAGON, dextramque probans, vocemq. recepta
 Coniugis, & spolio damnum solatus amoris,
 Rubrum, sicut erat, madidumque à sanguine ferrum
 Sustulit, atque pio pulsavit sidera voto.
 Si qua Pudicitia Superis est cura, thoricque,
 Vos calorū oculi, iura inuiolata fouetis,
 Hunc animum, has Boijs æternas indite curas,
 Nulla libido suis ut gaudeat improba furtis,
 Illis vindicibus, sit nostra hæc gloria gentis,
 Vlciſci Parides, Venerisque euertere regnum;
 Et pius hic nostris insignibus additus ensis,
 Admoneat seros, si vouiusta, Nepotes,
 Cum scelere opprimitur Pietas, & caussa laborat
 Equior, hic norint sumi non turpiter arma;
 Sola quæsitus placet ex Virtute triumphus;
 Fæmina præcessit, pulchri dux fæmina facti;
 Ardua si fugiunt Patrum vestigia Nati,
 Turpe est fæmineos nolle exæquare triumphos.

Tolisto-Boionum cæterorumque Gallorum, cum
 Asiam omnem velut examine aliquo, ut Iustinus
 loquitur, implerent, cum viribus virtus adeo succe-
 uit, ut velut communes Regum, Populorumque Pa-
 troni, & publici æquitatis iurisque vindices ingenti per
 totum Orientem nomine essent: hoc enim ex Trogo
 illustre pro ipsis Iustinus testimonium exscripsit l. 45.

Neque Reges Orientis sine mercenario Gallorum exercitu vlla bella gessisse, neque pulsos regno ad alios quàm ad Gallos confugisse: tantumque terròrem eius nominis & armorum inuictam felicitatem fuisse, vtraliter neque Maiestatem suam tutam, neque amissam recuperare se posse sine Gallica virtute arbitrarentur. Itaque in auxilium à Bithyniæ Rege, (is Nicomedes fuit) inuocatos regnum cum eo partâ victoriâ diuississe: rem fusiùs Liu. l. 38. persequitur: sed quia id Tolisto-Boijs cum socijs commune est, eo præterito, *Trophæum*, quod soli ipsi *Æquitati defensione* erexerunt, Poëta descripsit, cum fidelissimam operam Zeilæ, qui huius Nicomedis filius fuit, ad paternum recuperandum regnum præstitissent. Nam cum is Nouercæ odijs spe successionis depulsus, in clientelam se Tolisto-Boiorum dedisset, ij contra tres Reges, totidémque populos Zeilæ ius eò vsque armis tutati sunt, donec hostium tam potentium pertinaciam ad æquas Pacis condiciones inflexerunt. Res vti gesta est, cum ex aliorum libris excidisset, à Memnone descripta in Phoc. bibliotheca ad posteritatis memoriam seruata est; tempus proditum non est, verùm cum annis ante Christum natum CC. LXXVII. in Asiam à Nicomede Tolisto-Boij euocati sint, non multò post id factum oportuit: estq; illustre documentum, quàm generosè Maiorum suorum vestigia Sere-

nissi-

nissimus Boiorum Princeps presserit, dum, vt idem
Æquitatis defensione trophæum renouaret, tot Principum, Po-
 pulorumque armis inconcussum pectus, & virtute suâ
 inuolutum obiecit, eo successu, qui (quod veræ argu-
 mentum gloriæ est) malis lacrymas, Bonis omnibus
 plausum dedit.

T R O P H Æ V M Æ Q V I T A T I S D E F E N S Æ .

*Aurea cum Boicis nuper foret addita Rhombis
 Sphæra, nec abnueret tessella quadrata rotundo
 Excuneata globo, prisco decedere regno
 Querebam ad veteres quantumvis aurea rhombos
 An facerent, possentq; locum bene poma tueri:
 Virtus quadratis, dixi, Fortuna rotundis
 Gaudet; quorsum ergo medio Virtutis in arao
 Fixerunt stabilem Fortuna symbola sedem?
 Et Romana Ioui cum cedere quadra negarit,
 Restiterisque tuo nil motus, Termine, saxo,
 Hæne Dea quadras decuit cessisse minori?
 Si pretium formæ sunt aurea mala, Deusque,
 Hoc Eris illicio miseranda ad iurgia trusit,
 Heroës formæ donamus vindice poma?
 Quos pulvis sudorque decent, sine lege volantes,
 Horrentesque coma, sulcantia vulnera malas,
 Et meliore notâ descriptis in fronte triumphis:
 Hac mihi mussanti placido spectabilis ore
 Diua Themis, Pœni portans duo fragmina mali
 Adstitit, & nostro, quod cernis, carpsimus hortor,*

Dixit, non Eridis natum in ludibria, non hoc
 Idæus Veneri pastor dabit; ista natantum
 In liquidis felix acinorum natio cellis,
 Ebria mellifluo granaria sanguine, magni
 Symbola sunt animi, nostrisque Heroibus apta,
 Quos dudum aeterno strinxit Concordia nexu,
 Labenti dextram patria, iurisque daturos,
 Empturósque suo rediuiam sanguine Pacem:
 Quos inter Boico prognatus sanguine Princeps
 Immensum pomi tam nobilis incrementum,
 Cùm mihi tot pareret non uno ex hoste triumphos,
 O quoties calum votis, Dinósque coëgi!
 Tot similes mihi terra viros, aut Astra daretis,
 Purpureos pomi quot concameratio fratres
 Stipat, & aureolis latitantes manibus ambit.
 Ille quidem Boica succenditur indole gentis
 Et veteri obsequitur genio; non vnus aui
 Est virtus, nec Auo tantùm se iactat ab vno;
 Ingens hac priscis annalibus addita cura,
 Boiorum toto Famam diffundere mundo;
 Hunc patriam dixere suam, nam limite regni
 Vnius arctatos credebant carcere claudi;
 Sed quemcunque illos vis ignea misit in orbem,
 Iura receperunt animam; velut abdita siluis
 Sustulit Alcides, vel dente infesta, vel ungue,
 Sic illi medias reptantia monstra per vrbes,
 Palliolata dolis, & dissimulantia virus,
 Robore tuta suo, vel Regibus usa patronis,
 Herculeâ domuere manu; de mille trophæis
 Hoc ipsâ mihi fixum Asiâ meminisse inuabit.

Respi-

Respicit Acrocomas ubi terra Bithynica Thraces,
Spes regni patria Zeilas crescebat in aula,
Nec sceptro indecoris, nec auitis sedibus impar,
Iniusta si non odium fatale Nouerca,
Priniginis odium heu meritis placabile nullis!
Vota retardasset iam vicinissima regno.
Ille quidem ut Patrem vultu, sic arte regendi
Exscripsit, teneros superans virtutibus annos:
Nam, seu bella forent infesto Marte cienda,
Nemo illo melior iaculum torquere lacerto,
Corporis aut flexu effusas exire sarissas,
Et galeâ, clypeoque, & formidabilis ore:
Aurea si fluere optata tempora Pacis,
Deditus arcanis damnauerat otia curis,
Nonnumquam folio residens sublimis auito,
Imperiosa dabat populis responsa seuerus,
Insuescens regni versare volubile pondus:
Sed spes priuatas, & publica vota, piâque
Natura leges, & Iura perennia regni,
Fœmina, triste malum, furijs armata resregit.
Namque venenatis instillans toxica verbis,
Fraudibus induxit facilem noua Phœdra maritum,
Vt regno eiectum, patriâque facessere iussim
Exigeret Genitor quondam sua gaudia natum.
Ille ubi Bebrycï resciniuit iussa Tyranni,
(Nam patris affectum rapuit, noménque Nouerca)
Conscia necquidquam testatus sidera fugit,
Perreptans non vnus pratoria regis;
Sed miseri passim reiecta est cœssa clientis,
Nam raro lacero videas pro lure patronos,
Qui fulcire velint aliena damna ruina.

Gens erat una super, Phrygia contermina regno,
 Boiorum quondam deducta colonia terris;
 Gens armis, opibusque potens, iurata labanti
 Iustitia dexteras, animamque impendere vero.
 Hic arma, & fortes exul lacrimabilis ausus
 Repperit, & sortis spes est reserata secunda
 Excinit totam iuris violatio gentem;

Quamquam non solo iam loricata furore
 Fax belli aduersâ metuenda in parte volaret;
 Sed tres sub signis populos, totidemque fauentes
 Causa nouercalis trussisset in arma Tyrannos;
 Et tamen Exul inopi, & solo fortior æquo
 Vnius populi defensus vindice ferro est.

Quin cum non stabili nutaret lubrica passu
 His modo, nunc illis fors aduersaria castris,
 Boia tamen Virtus cum contra audentior iret,
 Hostiles animos infregit, & arbitra pacis
 Mutua coniunctis sancinuit fœdera dextris.

Nunc age, quâ priscis Boiorum heroibus impar
 Hic virtute fuit, cuius sub tecta, laresque
 Omnis Boiorum cum sanguine gloria fluxit?
 Curre per hostiles acies, inimicæque signa,
 Et coniuratas non una ex gente sarissas,
 Purpuræque duces, & nomina magna tribunos
 Emetire oculis, nil parti defuit illi.
 Præter Iustitiam, sed erant pro iure furores;
 Si solas numeras vires, mala causa triumphat.
 Sensit, & hinc nostro fiducia creuit Achilli,
 Quod solo impietas regeretur perfida ferro,
 Ceteraque ad vulnus miserè nudata pateret,
 Explicat ergo acies, & primâ in fronte locantis

*Ante Aquilas, & signa Deum, iurisq; petitem
Arce Satellitium; quid narrem cetera? vicit,
Et vincet, quoties istis pugnaverit armis.*

*Hic ego cur nostri signa Augustalia pomi,
Vel meliore manu, sceptroque locanda putarem?
Inserui decus aeternum: Fortissimus istud,
Quidquid erit, (pomum interea dicemus), habebit;
Sed meus hunc orbem pridem cognominat Atlas;
Quidquid erit, feret, ornabit virtutēque partum
Implebit patrijs tandem virtutibus orbem.*

CVm annis propè quingentis à prima immigratio-
ne Boij Boiohemum tenuissent, & quod à Roma-
nis, Græcisque litteris longiùs abessent, quidquid tan-
to temporum intervallo ab ijs eo in loco gloriôsè ge-
stum est, vmbri Herciniæ siluæ sepultum esset, tandē
annis ante Christum natum centum & decem circi-
ter, ingens & ad omnem posteritatem nobilis victoria
Posidonium testem, & præconem inuenit. *Apud Stra-
bonem lib. 7.* Cimbro enim, toti pœne orbi terrarum
exitabilem gentem, littore Oceani Germanici effu-
sos, & more fulminis per Galliam, Hispanias, & vici-
nos Istro populos, grassantes, cùm propè nusquam pa-
rem hostem reperissent, & tot terras alienis cladibus,
& suis triumphis nobilitassent, tandem etiam in Boio-
hemum delatos Boij animosissimè reiecerunt: quæ
Victoria tantò maior videri debet, quò maiores etiam

H

sic

sic victi clades Rom. populo, qui fortior, quàm eo
 tempore, nunquam fuit, intulere, aliquot Consulari-
 bus exercitibus deletis, & iam Romæ non vane minan-
 tes; cùm ipsis Romanis Scriptoribus attestantibus con-
 stet, actum de re tota Romana fuisse, nisi Marius illi
 sæculo contigisset, qui tandem formidabilem gentem
 bello vicit, sed ante iam à Bois victam : & tamen illa
 ipsa Marij Victoria tantum Romanæ rei momentum
 adiecisse visa est, ut tum demum eius populi Maiestas
 assurgere visa sit, explicatumque in eam rem ostentum
 illud fuerit, Cum Nuceriæ vlnus, in luo Iunonis, à
 culmine succisa, sponte recrescens pristinum decus re-
 cepit. Porro erectum BOICÆ FORTITVDINIS in
 Boiohemio *trophæum*, cum nupero Serenis^{mi} Boiorum
 Principis, locus ipse, hostiumque non vna re similitu-
 do comparant; ipsi quidē fassuri nunquam sunt, Cim-
 bris se non fuisse fortiores: hodiernam verò Romam,
 quam Cimbri veterem, multo odere acerbius; neque
 tamen ambitiosa illa voce utar, quam Romani Scri-
 ptores usurparunt, actum de imperio fuisse, nisi sæcu-
 lo nostro MAXIMILIANVS obtigisset; illud tamen,
 quod de eodem illo Duce moderatiùs Salustius dixit,
 repetijse me nunquam poenitebit; *Ea tempestate spes atq;
 spes Reipublicæ, in MAXIMILIANO, fuisse sitas.*

TRO-

TROPHÆVM FORTITVDINIS.

Iam pridem impietas inferna filia noctis
 Filia matre sua nigrior, iurata parabat
 Totum Candoris Germani euertere regnum
 Fraudibus, & veterem patria infuscare nitorem:
 Passim ubi lacteolis vernabant lilia labris,
 Nutrita antiquæ succo pietatis, & albam
 Cariciem patrum referentia, protinus atris
 Commaculata notis, pede, vel carbone notabat.
 Quot niveos animos, bipatentia pectora, nunquam
 Lucidiora tuis faceres quæ Mome, fenestris,
 Conduplicata dolis, non una vulpe referfis?
 De niue passa nihil, præter mala frigora, tristi
 Stricta gelu, & calidum non admittentia solém;
 Sic vetus amisit Germania nomen, & inter
 Funera Candoris nigricanti squalida veste,
 Quantum perdideris pullo testata colore est:
 Candebat tamen Austriacæ pars maxima parmæ,
 Et melior, secto bene certatura Elephanto;
 Albebant etiam Boici niue Virgine Rhombi,
 Et cæli æquabant vultum, cum nocte serena,
 Cæruleum trames discernit lacteus orbem;
 Cùmque Leo geminum Nemeao fortior aruum
 Occupet, & Boicus numeret tot sidera sanguis,
 Vix ausis scutum, sed malis dicere cælum:
 His Germana Fides clypeis defensa duobus,
 Reliquias veteris tuita est, cum laude, nitoris,
 Quantumvis oculo Impietas id ferret iniquo;
 Hinc nuper tota cùm suppellectile noctis,
 Vmbrarúmque choro, stipantibus agmina laruis.

H 2

Et

Et si qua Eumenidum furuo fuit horrida vultu,
 Hercinios saltus atris intexuit alis,
 Austriacis, Boiisque minans nigra omnia terris,
 Iamque alius noctem ducebat Lucifer, ille
 Qui pleno quondam traxit tot sidera caelo,
 Et simul horrendo diffusus crine Cometes
 Inferuit stellis piceum malus affecula vultum.
 Ergo inter dubia lucis confinia, tristem
 Cimmericamque dolens timuit Germania noctem:
 Sed quæ Cimbriorum furias & tela Bohemis
 Reppulit à siluis Gens felicissima, Boij,
 Nunc quoque Cimmericam proscripsit candida noctem,
 Et victrix terris solèmque, dièmque reduxit,
 Sed iuuat antiquas hodiernis addere palmas,
 Cimmericas, Cimbrasque vno cantare triumpho.

Proximus Oceano quondam fuit accola Cimber,
 At paruum Neptune dadas conterminè nidum;
 Quippe fatigatas congestà sape procellâ
 Subrueras sedes, auidisque reciprocos undis
 Imbiberas sterilis mox succedanea ripa
 Fragmina; sic misero decreuit patria Cimbro;
 Intoleranda viris iniuria Fortibus; at quis
 Neptune ponat leges, aut inferat arma?
 Hoc unum superest, veteres migrate coloni
 Mars placuit patriam rigido producere ferro
 Omnibus unus amor: rapientibus arma, saginmque
 Equa nimis Fortuna fuit, dum terruit hostes,
 Dum bello cessere acies, & Gallia quidquid,
 Et quidquid rapidum tennit Scordiscus ad Istrum,
 Vel quod in Ausonia, magnòque refulsit Ibero,
 Genti prada fuit; dominamque exercuit Urbem,

Roma

Romanasque Aquilas non una clade fugauit,
 Vnica qua salu sedit Gens Boia Bohemo,
 Commune excepit terrarum interrita fulmen,
 Indomitósque suo gladios umbone refregit,
 Et congressa acie est, & vinci posse probauit,
 Et dedit ex Cimbris Mario spem prima triumphi.
 At cum figendo quercus iam cana trophæo
 Delibrata comas, & brachia perderet, atque
 Cimbrorum clypeos non vno vulnere fossos,
 Fulmineósque enses, dextra maiore rotandos
 Acciperet, seris spoliū mirabile Boijs;
 Fertur Hamadryadum sic una locuta sororum,
 Currite fatales horis properantibus anni;
 Maior adhuc Boijs sacrorum nascitur ordo.
 Est aliquid Cimbro patria pepulisse, nec unquam
 Nostri gustarunt maiora cadavera corui,
 Sed cum olim impietas Boicā confossa sarisā
 Ore istam mordebit humum, nec candidus ille
 Sufficiet Mons in tumulum, tum denique nostris
 Gloria decrescet, suāque admiratio Cimbris:
 Cimmeriūque canet non tristis Nænia funus;
 Hac erit ad faciles communis fabula mensas,
 Concessisq; iocis quondam piper, atque salillum,
 Et ludus ludis, olim cantante puello,
 Dicite lo, terris candorem filia noctis
 Inuidit, fuit hac quarendi causa triumphī,
 Et repperit: nam mons ubi vitam in sanguine sudis,
 Candidulus quondam iam nomen perdidit, & se
 Ore cruentato manu iam dicere rubrum,
 Quisque duos tantum Victor tulit ante colores,
 Purpureo fulget longe formosior ostro.

H 3

Muta.

*Mutauère locum miracula; primacanis
Dentibus, in Tyriam producta est purpura ripam,
Impietas hodie monstrum cane peius & angue,
Dum Germana nigro vult tingere pectora fuco,
In conatu operis saltu ingulata Bohemo,
Nigro nil potuit, minio tamen omnia tinxit;
Sepia successu caruit, sed purpura fluxit.*

EX vltimis Tolisto-Boiorum Regibus Deiotarus fuit, maximus vir & alibi cum cura dicendus; virtutibus tum alijs, tum insigni, & perpetua erga Romanos Fide clarus; cuius ea bello Mithridatico potissimum documenta dedit, vt ab Imperatoribus plerisque, per quos illud gestum est, in Senatu magnificè sit laudatus; Pompeij certè hæc de illo, Cicerone referente, vox fuit, *unum Deiotarum in orbe terrarum ex animo amicum verèque beneuolum, unum fidelem populo Romano fuisse.* Proinde confecto Mithridatico bello, haud immerito amplissimis honoribus, & accessione Prouinciarum auctus, & à Senatu Rex appellatus est: in parte felicitatis etiam illud ponendum, quod cum M. Catone & M. T. Cicerone, quorum alter Romuli Nepotum optimus, alter discretissimus fuit, intima ei familiaritas intercesserit; Ciceroni etiam cum Ciliciam proconsul obtineret, magno in bellis vsui fuit, nobili tandem ab eo oratione, cum fictis criminibus peteretur, defensio: bello deinde Pharsalico, quod annis ante Christum natum XLVI.

inter

inter Pompeium & Cæsarem orbi Romano funestum exarsit, meliores partes, infeliciores tamen constantissimè secutus est, ut non immeritò à Luciano *Regum fidsimus* pulcherrimo nomine sit appellatus. Cuius illum fidei adeò non poenituit, ut cum auspiciatò omnia faceret, dicere solitus sit, auspiciorum, quæ sibi ad Pompeium proficiscenti facta sint, non posse se poenitere: Senatus enim auctoritatem, & populi Rom. libertatem, atque dignitatem Imperij suis armis esse defensam; sibi que eas aues, quibus auctoribus officium & fidem secutus esset, bene consuluisse; antiquiorem enim sibi fuisse laudem, & gloriam, quàm regnum & possessiones suas; quas voces illius, Rege planè dignas, Cicero mirificè de prædicauit; *cumque non auium, sed virtutis auspicio usum ait, quæ vetat sperare fortunam, dum præstetur fides;* Quæ planè nobilis in *trophaum fidei* à Deiotaro erectum ex ore Ciceronis dictata Epigraphe fuit; neque nos illam mutabimus, sed totidem verbis *Trophaeo eidem Fidei* à Serenissimo Principe Boiorum instaurato inscribemus. Neque verò Romanus Imperator dubitauit, eandem in illum laudem conferre, quam Pompeius in Deiotarum congescit, cumque, qui regnum, compluresque Prouincias animo, sumptuque regio iustis vindicasset armis, inter septem Rom. Imp. purpuratos Regibus proximum esse voluit.

TROPHÆVM FIDEL

*Si totis nihil est triste palatjs,
 Si depicta beat purpura Principes,
 Cur madidum caput in corona est?
 Cur cura in solio sedent?*

*Cùm Mali inspiceres fragmina Punici,
 Cur sorti indoluit Persa potens sua?
 Esse minus sibi Zopyrorum,*

*Quàm pomis acini latens.
 Nimirum innumeras qui numerant opes,
 Raram has inter opes inveniunt FIDEM;*

*Hunc gemitum nequeunt corona
 Magnis demere regibus.
 Hoc commune tribu cum medioxima
 Votum Purpura habent; ò mihi sè Deus
 Perfidiâ nihil inquinatis
 Donet vivere solibus!*

*Ne Fortuna Fidem mutes, ut improbus
 Qui ridente Dea riserat affecit,
 Cùm rigidam trahet illa rugam.
 Alato fugiat pede.*

*Non me, sed mea vult, qui pretio est bonus,
 Tantùm ad mella comes, transfuga tristium;
 Hunc volo, qui misera ruina
 Fulcrum subiciat manus.*

*Talem Roma canit Deiotari Fidem,
 Quem Cneo pietas causâque iustior,
 Quando bonis auibis ligauit,
 Strinxit perpete vinculo.*

Non

Non patri soboles ulla sequaciùs
Hæret, nec columen vitæ ad pulmeum

Ambitiosius applicatur,

Tot se capreolis ligant

Magnus Threijcias si peteret plagas,
Quæ Strymon rapido flumine voluitur,

Squamigero agmine gloriosus,

Et ferri cupidâ grue:

Sirus Pieria nobile Phocidis,

Lustraretque iugi Cirrham Heliconij,

Quæ pede Pegasus excitavit

Doctum uberrimus alveum:

Vel si barbaricas tenderet ad Getas,

Communem caperet Deiotarus larem;

Sub gelido Ioue dormientis

Somnos excubijs tegens.

Non cum turgidulo fors facilis sinu

Pompeio titulos adjiciens suo,

Laureolas triplicem per orbem

Vnum quæreret in caput.

Nam quis tunc renuat iungere tesseram,

Fortuna aurcolis cum webitur rotis?

Et Charitum comitata trigâ

Felici aduolas omine:

At quando terrico nubila vertice

Vertit vela bonis plena Pavonijs,

Tunc sociâ rate navigare,

Quàm rara, ô superi, est auis!

Ergo qua volucres Deiotarum trahunt

Pompeio comitem rebus in asperis?

Omnia qui facit auspicia,

Notis fallitur artibus?

*Campi Pharsalici sanguine iam rubent;
Iam plebis Lachesis funera nauscat;
Et nitidis inhians coronis*

*Messem purpuream parat,
Pompeius trepidat, diffugiunt duces,
Solut non meminit Deiotarius fugas;
Iam vetulus moriensq; cygnus
Martis fortior est lupis.*

*Sic dum Pharsalicas Musæ acies canent,
Stabit Deiotari laurea, Tullio*

Mixta suis feret in trophæis,

Qua victus meruit FIDES.

*Sed quis Mæonij carminis alite,
Te Princeps Boici sanguinis efferet?*

Cui Fides tribuit ferendam,

Pridem Deiotarius facem

*Cum certo anguria Cæsaris alites
Te castris comitem prollicerent suis,*

*Quam nitidos, facie ventilata,
Effudit radios FIDES!*

*Cum primum Austriacis emicuit iugis,
Mox rerum facies pulchrior, ut diem*

Cum tenebris vehit effugatis,

Curru Phosphorus aureo.

*Et fax hoc potuit luce, vel igneis
Stricturis obiter profilientibus*

Quanta tibi comes iret ætæ,

Scintilla indicio fuit.

*Fulgetris animus concidit; ignea
Cum tantum attonitis mala darent malum,*

Fulminibus timuere nudum

Obiectare caput tris.

Sense

Sensit perniciem se furere in suam,

Irritare faces ausa Bohemia,

Quod fatuos reputauit ignes,

Semet nunc fatuam vocat.

Sed te more pij sideris, aureos

Nil prater radios iuuat, & à tibi

Innocuà licuisses uti

Nata fœderibus face!

Quàm velles rapido parcere fulmini!

Exarmare metu vulnificam manum!

Stigmate nemo hodie vllulatus

Pœnis ingemeret suis.

Posthac ceu Pharijs pendula turribus

Lampas monstrat iter, sic tua posteri

Aurea facta sua putabunt

Æternam FIDEI Phœrum.

EADEM tempestate, qua Boiorum in Asia nomen Deiotarus Tolisto-Boius ingentibus factis celebre reddidit, Boij è Boiohamo, in Noricum, ad expugnandam Noreiam nobilem urbem, vnder regioni nomen hæsisse putamus, expeditionem susceperunt. Cuius quis omnino successus fuerit, litteris proditum non est: Nam quòd Plinius, qui sub Vespasianis scripsit, eam interisse auctor est, id ad hanc oppugnationem referri confidentissimè non potest: Verum cum sub idem tempus Heluetij finium suorum angustias causati domo proficisci meditarentur, in eius consilij

communione Boios etiam egregiâ virtute cognitos
 pertraxere, qui magnâ collectâ manu, post quingen-
 tos, & ferè quinquaginta, à prima in Boiohemum im-
 migratione, annos, ante Christum verò LVI. in Gal-
 liam veterem patriam profecti sunt: verum eo in iti-
 nere, cum fortem aduersarium Iulium Cæsarem na-
 cti, magnâque, commisso pralio, exercitus parte mul-
 tati essent, reliquam tamen multitudinem Ædui, vt
 in suis finibus collocaretur, à Cæsare impetrârunt.
lib. i. de bello Gallico. Illic Boij variâ aliquamdiu Fortunâ
 vsi, eò tandem felicitatis euasere, vt, cum Æduorum
 etiam nomen extinctum sit, ij non perennârint mo-
 dò, verum, labentibus annis, ad ipsum Galliæ regnum,
 & *lulia* ascenderint; nam Gallicæ gentis scriptores com-
 plures in eam sententiam conspirant, eos qui hodie
Borbonij, penes quos corona Galliæ est, vocantur, à pri-
 scis Boijs descendere; quod quidem vt propitiæ fortu-
 næ munus habendum est, tamen vel paucula illa, quæ
 histrophæis exornandis, ex antiquitatis memoria, ad-
 duximus, testimonio sunt, Boios profectò cum for-
 tuna strenuè manum mouisse; adeoque parâ decora,
 non tam illi, quàm virtuti debere: Quemadmodum
 huius temporis felicitatem Boicæ gentis æstimanti-
 bus, dubium videri potest, *Felicio* an *Fortior* Princeps
 sæculo nostro obtigerit; quanquam illa iucundissima
 dubi-

dubitatio est, nescire quam in Principe primam laudem dicas, quem certum sit omnes mereri: ut cum posteris optima quæque, id est, maximas virtutes publico voto precabimur, nihil necesse sit, singulos Principes obire, & priua ab ijs decora carpere, quod Romæ factum scimus, cum aliam ab Augusto, aliam à Traiano stipem, acclamationes populares raperent. De modo his Deus virtutibus æternitatem; & ut posterorum quisq; huic Vni similior, ita melior erit Princeps.

TROPHÆVM FORTVNÆ.

*Nunc tandem areolas beatiores
Audaci iuuat inuolare dextra;
Et si quis melior per arua Floyæ,
Per rosaria candidata Pæsti,
Per Plantaria purpurantis Hyblæ,
Per Semiramidis venusta Tempe,
Natus sole rubet propinquiore,
Indutus tunicâ, vel hac vel illâ,
Et quocunque superbus in capillo,
Totum flosculus explicauit ostrum,
Audacter rapido metatur vngue:
Parcentes ego dexterâs perosus,
Stipatos Calathos, & arrogantem
Hortorum decimam aureis canistris
Non vnâ vacuabo sparsione;
Heroes Boicos, piôsq; Manes,
Iam pridem Elysium perambulantes
Tota veris inebriabo præda;*

Aut si parcior est futura Messis,
 Nos nos lilia, nos rosas loquemur,
 Et nostro viridario beati
 Supplicare negabimus modestis,
 Vnguem qui metunt suis rosetis,
 Et florum timide tuentur aurum,
 Ps quondam vigilata qua Draconi
 Scimus Hesperidum fuisse mala:
 Sed grassabimur ampliore prato.
 Quidquid Gallia Mater illa florum,
 Et puerpera dicta Liliorum,
 Nutrit, vel niueo decens capillo,
 Aureone superbius galero,
 Scutorum radiare iussit aruo,
 Cum dignâ cuperet locare dextrâ,
 Nostris ambijt erogare Boijs,
 Quando Borbonijs tuenda Diuis
 Scutum, Lilia, misit & coronam,
 Solis symbola Regibus ferenda.
 Hinc stipare manus, & imbre florum
 Boiorum iuuat implicare Manes,
 Qui virtutibus astra consecuti,
 Grande auctarium, ad ultimos Nepotes,
 Regnum nobile messe Liliorum,
 Et candore suo, & cruore pictum,
 Inter mille trophæa detulerunt;
 Nam qui lilia candidata lacte
 Iunonis rigat, vberisque tantum
 Imputat male credulus colorem,
 Lacte abutitur, & nimis poëta est:
 Sed qui lilia Gallicana casto

Virtu-

Virtutum negat esse picta succo,
 Naturam putat nescit hortulorum,
 Qui Regum capiti ferunt coronas:
 Sudor optimus imber est honorum,
 Et quæ laureolis amica frons est,
 Cum lauros volet irrigare, sudet,
 Quavis guttula bacculam creabit:
 Sed qui prodigus utriusque fontis,
 Sudorem roseo cruore miscet,
 Et flores iubet ire purpuratos,
 Hortenses alet usque, & usque Reges:
 Non tantum Furys citatus Ajax
 Suum sanguine nomen, & querelas
 Floris Oebalii in coma exaruit;
 Hac communia intra sunt virorum;
 Quidquid sanguine perpluere, flos est.
 Hinc tot sunt Boica rosæ gentis,
 Orbem ipsum sibi pæne fecit hortum;
 Cum se cingere flore transmarino,
 Cum volet Latioque, Thracioque,
 De suis metet arcis coronas;
 Certè nupera ab irrigatione
 Gens tota erubuisse visa florum est;
 At cum non caperet caput coronas,
 Quævis Princeps Boicus dedit colorem,
 Vestis Principis imbibit colorem;
 Hinc iam cernitur ire purpuratus.

CHRONOSTICHIDES DVODECIM STATVIS TRIVMPHALIBVS

Subscriptæ indices anni Christiani, quo Sereniss:


Boiorum Princeps &c. MAXIMILIANVS

Septemuir Imperij inauguratus est.

Sub Statua

<i>Religionis.</i>	Deo, VIRTvtI, reLIGIonI MILItAVI.
<i>Prudentia.</i>	Vera prVDentia CaVsa trIVMphI.
<i>Iustitia.</i>	IVs perDItVM reVoCaVI.
<i>Temperantia.</i>	reMperantia DVX VICToriae.
<i>Fortitudinis.</i>	arDVA agere, & ferre ChristianVM pVtaVI.
<i>Vigilantia.</i>	EXCVblis fIDEm tVeor.
<i>Magnificentia.</i>	MagnIfICentIae sVasV thesaVro effVnDo.
<i>Politia.</i>	poLItiae Lapſae DeXteraM porreXI.
<i>Occasionis.</i>	VenI, VIDI, VICI, reMporI InsIstens.
<i>Pacis.</i>	paCeM patrIae & IVra reDVXI.
<i>Fortuna.</i>	fortVnâ Dante CaVsa IVſſior trIVMphat.
<i>Bellona.</i>	beLLonae fVrores IVſſâ VI DoMVl.







20!